محضر الجلسة السادسة والأربعين

<u>التاريخ</u>: الثلاثاء 10 شعبان 1437 (17 ماي 2016).

الرئاسة: المستشار السيد عبد الإلاه الحلوطي، الخليفة الثاني للرئيس.

التوقيت: ساعتان وخمسة عشرة دقيقة، إبتداء من الساعة الرابعة والدقيقة التاسعة والثلاثين بعد الزوال.

جدول الأعال: مناقشة الأسئلة الشفهية.

المستشار السيد عبد الإلاه الحلوطي، رئيس الجلسة:

بسم الله الرحمن الرحيم

والصلاة والسلام على أشرف المرسلين.

أعلن عن افتتاح الجلسة.

السادة الوزراء المحترمون، السيدات المستشارات المحترمات،

السادة المستشارين المحترمين،

عملا بأحكام الفصل 100 من الدستور، ووفقا لمقتضيات النظام الداخلي لمجلس المستشارين، يخصص المجلس هذه الجلسة لأسئلة السادة المستشارين وأجوبة الحكومة عليها.

وقبل الشروع في تناول الأسئلة الشفهية المدرجة في جدول الأعمال، أعطي الكلمة للسيد الأمين لإطلاع المجلس على ما جد من مراسلات واعلانات.

الكلمة للسيد الأمين.

المستشار السيد محمد عدال، أمين الجلسة:

شكرا السيد الرئيس.

نحيط المجلس الموقر أن مكتب مجلس المستشارين توصل بقرارين صادرين عن المجلس الدستوري قضي بموجبها بما يلي:

القرار الأول يحمل رقم 16/998، قضى بموجبه بإلغاء انتخاب السيدين الصبحي الجلالي وعبد القادر سلامة عضوين بمجلس المستشارين على إثر الاقتراع الذي أجري في 2 أكتوبر 2015 في نطاق الهيئة الناخبة لممثلي المجالس الجماعية ومجالس العالات والأقاليم لجهة الشرق، وبتنظيم انتخاب جزئي لشغل المقعدين الشاغرين طبقا لمقتضيات المادة 92 من القانون التنظيم المتعلق بمجلس المستشارين.

القرار الثاني يحمل رقم 16/999، قضى بموجبه المجلس الدستوري بالغاء انتخاب السيد مصطفى حركات عضو بمجلس المستشارين على إثر الاقتراع الذي أجري بتاريخ 2 أكتوبر 2015 برسم الهيئة الناخبة لممثلي غرف الصناعة التقليدية جمة بنى ملال - خنيفرة والدار البيضاء- سطات،

وبتنظيم انتخاب جزئي لشغل المقعد الشاغر طبقا لمقتضيات المادة 92 من القانون التنظيمي المتعلق بمجلس المستشارين.

وتوصل مجلس المستشارين من مجلس النواب بالنصوص التالية:

- مشروع قانون رقم 79.14 يتعلق بهيئة المناصفة ومكافحة كل أشكال ...

- مشروع قانون رقم 73.15 يقضي بتغيير وتتميم بعض أحكام مجموعة القانون الجنائى؛
- مشروع قانون رقم 51.15 يقضي بإعادة تنظيم المسرح الوطني محمد الخامس في إطار قراءة ثانية؛
- مقترح قانون متعلق بكراء العقارات أو المحلات المخصصة للاستعمال التجاري أو الصناعي أو الحر أو الحرفي في إطار قراءة ثانية.

وبالنسبة للأسئلة التي توصلت بها الرئاسة إلى غاية يوم الثلاثاء 17 ماي 2016 فهي كالتالي:

- عدد الأسئلة الشفهية: 41 سؤالا؛
 - عدد الأسئلة الكتابية: سؤالان؛
 - عدد الأجوبة الكتابية: 7 أجوبة.

كما توصلت الرئاسة بمراسلة من الوزير المكلف بالعلاقات مع البرلمان يخبر من خلالها المجلس أنه سيتولى الإجابة بالنيابة عن الأسئلة الموجمة إلى السيد وزير السكني وسياسة المدينة.

وفي الأخير، نحيط السيدات والسادة أعضاء المجلس أننا سنكون على موعد بعد نهاية هذه الجلسة مع جلسة عمومية تشريعية تخصص للدراسة والتصويت على نص تشريعي جاهز.

شكرا السيد الرئيس.

السيد رئيس الجلسة:

شكرا السيد الأمين.

ونستهل جدول أعمال هذه الجلسة بالسؤال الموجه إلى السيدة وزيرة التضامن والمرأة والأسرة والتنمية الاجتماعية.

نقطة نظام في التسيير، السيد الرئيس؟

المستشار السيد عبد العزيز بنعزوز:

شكرا السيد الرئيس.

السيد الوزير المحترم،

السيدة الوزيرة المحترمة.

أخواتي، إخواني المستشارين المحترمين،

بغينا فهاذ نقطة نظام، السيد الرئيس المحترم، أن نثير انتباه المجلس الموقر إلى مقاطعة الحكومة لمجلس المستشارين، بحيث سجلنا تلكؤ الحكومة في تفعيل الآليات الدستورية للرقابة التي يمنحها الدستور للسادة البرلمانيين المحترمين.

ومن خلال الإحصائيات، السيد الرئيس المحترم، تسع وزراء أو تسع أعضاء من الحكومة لم يلجوا قط قبة البرلمان، وهناك العديد من السادة الوزراء والسادة أعضاء الحكومة الذين حضروا لمرة واحدة أو مرتين أو ثلاث مرات، الأغلبية الساحقة من أعضاء الحكومة، نعتبر هذا، السيد الرئيس المحترم، هو إخلال بتوازن السلط الدستورية.

وننبه على أن لابد للحكومة بل من واجبها أن تتجاوب مع البرلمان حتى يقوم بواجبه في الرقابة وفي التشريع.

وأضيف على هذا كلو، الأسئلة الكتابية، رغم مرور المدة القانونية في 20 يوم، ففريق الأصالة والمعاصرة توجه ب 46 سؤال كتابي، السيد الرئيس، ولم نتلقى جواب إلا على خمس أسئلة من أصل 46.

كما بادرنا إلى دعوة السادة الوزراء إلى اللجان المحتصة في ست مناسبات، يعني ست وزراء ولم يحضر أحد، ومرت الآن 3 أشهر وأكثر لاستدعاء السادة الوزراء.

فأنبه إلى هذا الأمر وأدعو الحكومة إلى التعامل الإيجابي واحترام البرلمان.

شكرا.

السيد رئيس الجلسة:

شكرا السيد الرئيس.

إذن بعد نقطة نظام الكلمة لممثل الحكومة.

السيد عبد العزيز عماري الوزير المكلف بالعلاقات مع البرلمان والمجتمع المدنى:

بسم الله الرحمن الرحيم.

شكّرا السيد الرئيس.

السيدات والسادة المستشارين المحترمين،

في الحقيقة، الحكومة هي حريصة على أن يكون تعاون مع المؤسسة التشريعية وعلى مجلس المستشارين وتفعيل مختلف الآليات الرقابية، ولا محل للحديث لا على مقاطعة ولا على تلكؤ.

السيد الرئيس المحترم،

اليوم كانت الجلسة المقررة باش يكون فيها السيد رئيس الحكومة، جاء الطلب ديال التأجيل من المجلس المحترم، ولذلك استجابت الحكومة، رغم أن السيد رئيس الحكومة رتبنا معه الموعد.

السيد الرئيس المحترم،

أكد لكم على أنه منذ بداية المجلس في تشكيلته الحالية في الدورة الماضية كانت عندنا 5 ديال الجلسات، كلها خمسة الجلسات، أي 65 سؤال كان آنيا، وفي إطار روح التعاون رغم أن الأسئلة ما استوفتش الآجال ديالها ديال 20 يوم كان التعامل الإيجابي.

منذ بداية المجلس إلى اليوم كان عندنا الإجابة على 313 سؤال شفوي،

من ضمنها 151 كلها آنية، بمعنى آخر أن هناك تجاوب لكن البرمجة تعود لأجهزة المجلس.

وأؤكد مرة أخرى على استعدادنا للتعاون والتعامل في إطار يعني أحكام الدستور اللي هي الفصل ديال السلط، التوازن ديالها والتعاون.

السيد رئيس الجلسة:

شكرا السيد الوزير المحترم.

وكما قلت سنستهل جدول أعمال هذه الجلسة بالسؤال الموجه للسيدة وزيرة التضامن والمرأة والأسرة والتنمية الاجتاعية وموضوعه "تقوية الدور الأسري في المجتمع".

الكلمة لأحد السادة المستشارين من الفريق الاستقلالي.

المستشار السيد رحال المكاوي:

السيد الرئيس،

السيدة الوزيرة،

السيدان الوزيران،

السيدات والسادة المستشارين المحترمين،

السيدة الوزيرة، المجتمع المغربي كيعرف واحد العدد د الظواهر الاجتماعية التي تؤرق بال المجتمع ديالنا، كنتكلم فيها على الهدر المدرسي، على التسول، على أطفال الشوارع، على الأطفال اللي عندهم مشاكل مع القانون، على العمل ديال الأطفال كخدم في المنازل، إلى غير ذلك من المسائل اللي عندها واحد القاسم مشترك، وهو أنها ترتبط ارتباطا وثيقا بتراجع دور الأسرة المغربية في التهاسك وفي الوقاية من عدد من هذه المظاهر.

وبالتالي كان لزاما أن بلادنا تتطور باش توضع واحد السياسة أسرية مندمجة اللي تمكننا من المساهمة في الحد من هذه الظواهر وبناء مجتمع متاسك.

البرنامج الحكومي تكلم على هاذ السياسة الأسرية، بغينا نعرفو من خلالكم السيدة الوزيرة اليوم مآل هاذ الالتزام الحكومي فين وصلتو فيه؟ وشكرا.

السيد رئيس الجلسة:

شكرا السيد المستشار المحترم.

الكلمة للسيدة الوزيرة.

السيدة بسيمة الحقاوي وزيرة التضامن والمرأة والأسرة والتنمية الإجتاعية: بسم الله الرحمن الرحيم والصلاة والسلام على سيد المرسلين.

أولا، أشكر السيد المستشار المحترم على هذا السؤال المهم، لأنه يتعلق بالأسرة، وعندما نتحدث عن الأطفال ونتحدث عن بالحية الأساسية داخل عن باقي مكونات الأسرة، ونتحدث كذلك عن الخلية الأساسية داخل

المجتمع كما نص على ذلك دستور المملكة.

طبعا، هناك مجموعة من الظواهر الاجتماعية التي ترتبط في الواقع بالأسرة، ولكن ترتبط كذلك بالمنظومة القيمية في المجتمع ككل، ومرتبطة كذلك بالتراكهات التي حصلت في المجتمع عبر سنوات والتي جعلت الأسرة تعاني من مجموعة من الوضعيات، مما أدى أحيانا إلى تفككها وأيضا أن نجد بعض الأطفال في الشوارع أو في وضعيات غير المخضِن الأساسي اللي هو الأسرة.

الآن، هل استوفينا ما يجب أن نقوم به لصالح الأسرة؟

لا طبعا، لأن المشاكل التي تعاني منها الأسرة هي مشاكل مجتمع، ومشاكل المجتمع هو ما يجعلنا في قلق مستمر لكي نوفر جوابا من خلال السياسات العمومية التي نطلقها، سواء إن تعلق الأمر بالطفولة أو بالأشخاص في وضعية إعاقة أو المرأة أو الأسرة بشكل عام.

السيد رئيس الجلسة:

شكرا السيدة الوزيرة.

الكلمة لأحد السادة المستشارين في إطار التعقيب.

المستشار السيد رحال المكاوي:

السيدة الوزيرة،

شكرا على هذا الرد ديالكم.

ولكن، في الحقيقة عاود ما جاوبناش على التساؤل ديال السياسة.. بغينا وثيقة مرجعية لسياسة وطنية أسرية اللي يكون داخل فيها جميع القطاعات الحكومية لأن هاذ موضوع خاص جميع القطاعات الحكومية تشتغل فيه.

ما يبقاش عندنا سياسات مختلفة عن الواقع المعاش داخل الأسرة المغربية، اليوم عندنا أسر تتكلف بالمسنين، تتكلف بأشخاص معاقين، عندها مشاكل اقتصادية، مشاكل مادية، وفاش تدخل هاد المشاكل هذه، ها التفكك الأسري كيبدا وكنبداو هاد الشرائح دالمجتمع كنعيش مشاكل طبعا واحد الفترة من الزمن كان دائما المغرب كيوضع سياسات متعلقة بهذه الفئات الاجتماعية ولكن هذا ما تحلش المشكل، ما يمكن يتحل المشكل إلا إلى مشينا لو من الأساس ديالو اللي هو نعاودو الاعتبار للأسرة المغربية وللدور ديالها الوقائي والدور ديالها في التماسك الاجتماعي.

وكنتكلم ماشي فقط على.. كنتكلم على التأمينات فيما يتعلق بالسكنى ما يتعلق يعني فاش تنقول جميع القطاعات الحكومية راه معنية راه كل القطاعات الحكومية خاصها تشتغل معكم كقطاع وصي على هذا المجال الاجتماعي باش تكون عندنا هذه الوثيقة المرجعية اللي تبقى هي خريطة الطريق بالنسبة لبلادنا في المستقبل.

إذا طبعاكاين الدستور أشار للمجلس الاستشاري للأسرة والطفولة، كان واحد التأخر عاد وصل دبا لمجلس المستشارين يعني طيلة 5 سنوات

كان ممكن أنكم تكونو خرجتوها في السنة الأولى أو الثانية باش حتى هي تساعدكم هاد المجلس يساعد الحكومة على وضع هذه السياسات وهذه البرامج وشكرا.

السيد رئيس الجلسة:

شكرا.

الكلمة للسيدة الوزيرة:

السيدة وزيرة التضامن والمرأة والأسرة والتنمية الإجتماعية:

شكرا السيد الرئيس.

أولا، أريد أن أرجع للموضوع الذي انتهى إليه السيد المستشار المحترم، ونقول لو بأن طبعا هناك سياسة اللي الملامح ديالها كتبان أولا انطلاقا من القوانين، وشرتيو لمشروع القانون ديال الأسرة والطفولة اللي وصل عندكم الآن لأنه اخدا الوقت الكافي ديالو من التشاور المطلوب، بالنص الدستوري، وكذلك مطلب اليوم فاخذينا 4 سنوات ونصف في التشاور، حتى يصل إليكم اليوم بعد أن أحيل من الغرفة الأولى.

ثانيا، هناك مشروع قانون العنف الذي يناقش بالغرفة الأولى واللي حتى هو عندو آثار إيجابية جدا على الأسرة المغربية لأنه يعالج العنف بشكل عام كسلوك عام داخل المجتمع، ولكن كذلك العنف الزوجي الذي يؤدي إلى تفكك الأسرة وتشرد الأطفال وإلى وضعية غير مستقرة للأسرة، وبالتالي لوضعية غير مستقرة للمجتمع.

ما ننساوش أن هذه الحكومة أطلقت مجموعة من الصناديق لفائدة الأسرة، صندوق التاسك الاجتاعي بكل خدماته ابتداء من التغطية الصحية إلى دعم الأرامل وكذلك صندوق التكافل العائلي للنساء المطلقات الحاضنات لأطفالهن وأيضا مجموعة من المبادرات، نذكر لكم الحملات التحسيسية في هذا الباب من أجل تماسك الأسرة فيما بينها وتقليص الفجوة بين الأجيال يعني الصغار والكبار وإحداث مرصد للمسنين وكذلك الاشتغال على الوساطة الأسرية.

هذه بعض ملامح السياسة التي نقودها من أجل استقرار الأسرة لمغربية.

السيد رئيس الجلسة:

شكرا السيدة الوزيرة.

وشكراكذلك على مساهمتها معنا في هذه الجلسة.

وننتقل إلى الأسئلة الموجمة إلى السيد وزير الصحة والسؤال الآني الأول حول "واقع الصحة النفسية والعقلية بالمغرب".

الكلمة لأحد السادة المستشارين من فريق الأصالة والمعاصرة.

المستشار السيد الحبيب بن الطالب:

شكرا السيد الرئيس.

الكلمة لأحد السادة المستشارين في إطار التعقيب.

المستشار السيد الحبيب بن الطالب:

شكرا السيد الوزير على هاذ الأجوبة وعلى المجهودات كذلك المبذولة. غير السيد الوزير احنا بعض الملاحظات في انتظار تغيير هذا القانون، يمكن لكم تقومو بإجراءات اللي بسيطة واللي غادي تساعد في حل هاذ المشكل لأنه مشكل كبير، خصوصا فيا يتعلق بتسهيل ولوج المرضى لهاذ المستشفيات، لأن هذا تنشوفو بعض المستشفيات، مثلا في مدينة مراكش المستشفى الموجود "بجاعة سعادة" تيجي شي واحد من شي مدينة أخرى ما تيخليوهش يدخل، آش تيديرو الأهل ديالو؟ تيخليوه تمايا، تيبقى تمايا عرضة للشارع تيتعرض للاغتصاب، تيتعرض للإهانة، تيتعرض لبزاف الحوايج.

كذلك، فيما يتعلق بالمريض حيت تيجي للمستشفى بعض المرات الأهل ديالو غير مختصين باش يكيفوا واش هذاك المستشفى خاص ولا يديوه لمستشفى آخر، نتمنى أن المستشفى يتكلف يكون لأنه المصاب في هذه الحالة تيصعب التعامل معاه، هو يتكلف بالتوجه ديالو للمستشفى الخاص، ولو شفنا حول المستشفيات اللي هي تتكلف بهاذ الناس اللي مراض راه صعيب ذاك الشي، السيد الوزير يتشاف، مؤلم جدا، آلاف الناس .. يعنى في المحيط ديال المستشفى يعنى لا يشرف المغرب.

شكرا السيد الوزير.

<u>السيد رئيس الجلسة:</u>

شكرا السيد المستشار.

الكلمة للسيد الوزير للرد على التعقيب.

السيد وزير الصحة:

بعجالة إذا قلت هذا لا يشرف المغرب فأنا متفق معك، لأن المجهودات كلنا تنحاولو نديروها.

منين تتقول ليا الناس تيمشيو، مثلا اعطيتي مراكش أو أي مستشفى ما تيقبلوش، صحيح، ماشي ما تيقبلوش غير ما بغاوش يقبلوه، لأن عدد الأسرة قليل جدا، واش تتصور معايا منذ الاستقلال إلى 2011، إلى 2012 عدد الأسرة في المغرب للأمراض العقلية 2053 بالضبط.

فهاذ الخطة قلنا غنوصلوا ل 3400، صحيح إلى حدود مارس 2016 وصلنا فقط إلى 2773، وليني احنا غاديين.

وليني وخا 3400 غير كافي، غير كافية، فهذا مخطط ما يمكناش نلقاو 26 يونيو 2013، احنا قربنا ليونيو 2016 ما يمكنش في ظرف 3 سنين غنجلو المشكل منذ الاستقلال.

جميع الوزارات والوزراء دارو مجهود، كل واحد في ميدان، وخا في ميدان الصحة، مثلا الوزارات السابقة كنمشيو على الديكتولوجي، يعني كل واحد تيدير من جمتو، هاذ الشي راه خصو مدة طويلة، من الأحسن

بسم الله الرحمن الرحيم والصلاة والسلام على خير المرسلين. السيد الوزير،

تطرح وضعية المصابين بالأمراض العقلية عدة تساؤلات كبيرة ببلادنا حول واقع الأمراض النفسية ببلادنا، والواقع تيعكس واحد الصورة مؤلمة لعدد كبير من المصابين، الذين بدل التواجد ديالهم في واحد الفضاء اللي تيضمن لهم أولا، الكرامة، ثانيا الرعاية الصحية، تيتواجدوا إما داخل أسرهم يتركوا لمواجحة مصيرهم، إما وسط أسرهم أو فقط في المكان العام، وما يترتب عن ذلك من قيامهم بأفعال عدوانية ضد أنفسهم وضد محيطهم.

لذا، نسائلكم السيد الوزير:

آشنو هي الإجراءات المتخذة لمعالجة هذه الوضعية؟ وشكرا.

السيد رئيس الجلسة:

شكرا السيد المستشار المحترم.

الكلمة للسيد الوزير في إطار الإجابة على السؤال.

السيد الحسين الوردي وزير الصحة: شكرا السيد المستشار المحترم.

أولا تصحيح السيد المستشار بأن التكفل بالصحة العقلية والنفسية في المغرب ما عمرها كانت من أولويات الحكومات السابقة بكل صراحة، هذا لا يعني أنه ما خدماتش، كل حكومة كانت متجهة لثلاثة ولا أربعة ديال القطاعات، جات الحكومة كل حاجة تتكمل حاجة، يعني حتى هاذ الحكومة ربما بدينا بعض الأوراش وكملنا أوراش أخرى، ولكن أوراش ربما ما فتحنهاشاي وما نجحنشاي فيها.

اللي بغيت نذكر كاينة أول مرة في تاريخ المغرب مخطط وطني للتكفل بالصحة العقلية والنفسية اللي قدمت أنا شخصيا أمام صاحب الجلالة يوم 26 يونيو 2013، هاذ المخطط ثلاثة محاور:

أولا، تعزيز العرض الصحي والأدوية اللي كانت المنظمة الدولية اللي تتنادي ب 1,5% إلى حدود اليوم المغرب سجل 2% ديال (budget).

ثانيا، الشراكة بين القطاعين العام والخاص، أول مرة كاين مصحات كاين اللي بداو اعطيناهم الترخيص من مصحة واحدة ووحيدة في الدار البيضاء غيكونوا على الأقل 7 عما قريب إن شاء الله، ومع المجتمع المدني والمجتمع الحقوقي.

والنقطة الثالثة محمة جدا هو تغيير القانون هو كلشي في هاذ السبب، القانون المغربي اللي تيتكلف بالعلاج والحماية ديال هاذ الناس من 1959 واحنايا هاذ القانون الآن ابدينا النقاش ديالو في اللجنة في الغرفة الأولى.

شكرا السيد المستشار.

السيد رئيس الجلسة: شكرا السيد الوزير.

ندوي معك بكل صراحة، هاذ المخطط ما خصهومش الناس يتسناو 4 سنين، 5 سنين، واحد القضية اللي موجودة في الزنقة مشتتة، واليوم غاديين نصاوبو 6000 سرير، ما يمكنش، وخا يكونوا عندنا الأموال ديالها ما عندناش القدرة.

أنا شخصيا أقر بها ما يمكناش نتبعو هاذ الأوراش كلها، إلى آخره. شكرا السيد المستشار المحترم.

السيد رئيس الجلسة:

شكرا السيد الوزير.

وننتقل إلى السؤال الآني الثاني، موضوعه "غياب الإسعاف الطبي بجهة العيون – الساقية الحمراء".

الكلمة لأحد السادة المستشارين من فريق التجمع الوطني للأحرار لتقديم السؤال.

المستشار السيد محمد الرزمة:

بسم الله الرحمن الرحيم.

السيد الرئيس،

السيدات والسادة الوزراء،

السيدات والسادة المستشارين المحترمين،

كما تعرف، السيد الوزير، تعاني جمة العيون- الساقية الحمراء من خصاص في قطاع الإسعاف الطبي، الشيء الذي ينعكس سلبا على هذا المرفق الصحي في هذه الجهة الغالية، خصوصا بالنسبة للساكنة البعيدة عن مدينة العيون في الجماعات القروية، على سبيل المثال جماعة "الدشيرة" التي لا تتوفر على سيارة إسعاف.

والسؤال، السيد الوزير، ما هي الإجراءات التي ستقومون بها للتقليص من حجم الخصاص الذي يعرفه قطاع الإسعاف الطبي بجهة العيون- بوجدور - الساقية الحمراء؟

وشكرا.

السيد رئيس الجلسة:

شكرا السيد المستشار.

الكلمة للسيد المستشار للإجابة على السؤال.

السيد وزير الصحة:

بالصراحة، السيد المستشار، إلى كان واحد، بكل تواضع، إلى كان واحد الميدان اللي ربما درنا فيه شوية، ماشي شي حاجة ولكني ابديناه هو الإسعاف الطبي، فيعني الوحدات الصحية المتنقلة، اشرينا 393، الكبار ما تندويش أنا على.. ومثلا في العيون راك شفتيهم، كاينين، ما كاينينش بالكافي فين تتقول "الدشيرة" ولا شي بلاصة أخرى، صحيح.

النقطة الثانية اللي مشينا فيها، النقل الجوي كاين في العيون، من بين 4

دالمراكز كاين مركز ديال العيون، واحنا تنتناقشو مع الإخوان ديال كلميم - واد نون، ربما غتكون مروحية، ربما عاود ثاني في الداخلة يعني...

كاين كذلك، قبل كان غير السائق اللي تيسوق هاذ السيارة، مشينا لتقنيين اللي يعني مكونين ماشي، هاذ الشي ملي تنقول تقنين مكونين بكل صراحة عاود ثاني كل واحد يكون منصف، ماشي هاذ الحكومة، ماشي الفكرة ديالي، هاذ الشي كان، وليني مشينا في هذا الاتجاه.

كذلك كاين التكوين، كاين دابا أول مرة ممرض مكون في الإنعاش والتنقلات والتنقل الإستعجالي.

شكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد محمد الرزمة:

شكرا السيد الوزير على جوابكم المعهود دامًا.

وكيف ما عرفت، السيد الوزير، بأن الإسعاف الطبي احنا عرفنا بلي قطع أشواط مهمة خصوصا في جهة العيون- بوجدور- الساقية الحمراء اللي كتوفر الآن على هليكوبتر، اللي كتوفر خدمات مهمة والناس كتشكر هاذ الخدمات اللي كتوفر، ولكن كيبقى النقص في الجماعات القروية اللي كتبعد على مدينة العيون، واللي هي كتحتوي في نفس الوقت على الناس اللي كييشوا في الخيام، اللي عندهم السرح ديالهم، كيعيشوا في الخيام، اللي عندهم السرح ديالهم، اللي عندهم مساحات شاسعة، واللي ما عندهومش التنقل الطبي اللي كوفر لهم التنقل لمدينة العيون للمستشفى.

احناً عارفين بأن المستشفى فيه إمكانيات، والإمكانيات كتوفروها السيد الوزير.

وشكرا.

السيد رئيس الجلسة:

شكرا السيد المستشار.

الكلمة للسيد الوزير في إطار التعقيب.

السيد وزير الصحة:

شكرا.

ليس لدي تعقيب.

السيد رئيس الجلسة:

شكرا السيد الوزير.

ننتقل إلى السؤال الآني الثالث موضوعه "غياب اللقاحات الخاصة بالمعتمرين".

تفضل السيد الوزير.

السيد عبد العزيز عماري الوزير المكلف بالعلاقات مع البرلمان والمجتمع المدني:

شكرا السيد الرئيس.

كما تلى السيد الأمين، جاتكم مراسلة لكي أنوب عن السيد وزير السكنى، في موضوع الإجابة على الأسئلة.

رغم ذلك، حرص على باش يبقى معنا، لكن هو يستأذن لأن فعلا عندو التزام، فأنوب عنه في الأجوبة، إلا ما كانش مشكل بالنسبة للسيدات والسادة المستشارين المحترمين.

السيد رئيس الجلسة:

يعني ننتقل، بعد الانتهاء من الأسئلة المتعلقة بالسيد وزير الصحة.

السيد الوزير المكلف بالعلاقات مع البرلمان والمجتمع المدني:

إذا كان هذا الإمكان، يمكن يبقى للسيد الوزير يجيب عن الأسئلة مباشرة، وإلا فنقترح عليكم بأن..

مباشرة بعد قطاع الصحة.

السيد رئيس الجلسة:

إذن، ماكاين مشكل.

شكرا للسادة والسيدات المستشارين على تجاوبهم مع مطلب السيد وزير السكني والتعمير.

وننتقل إلى السؤال الثالث موضوعه "غياب اللقاحات الخاصة بالمعتمرين"، لأحد السادة المستشارين من الفريق الاشتراكي لتقديم السؤال.

المستشار السيد أبو بكر أعبيد:

شكرا السيد الرئيس.

السيد الوزير المحترم،

السيدات والسادة المستشارين المحترمين،

نسائلكم، السيد الوزير، عن أسباب غياب اللقاحات المخصصة للوقاية من داء التهاب السحايا أو ما يعرف بالمينانجيت (méningite)، مما سيؤدي إلى حرمان عدد كبير من المغاربة من السفر إلى الديار المقدسة لأداء مناسك العمرة.

فهل هناك من حلول لهذه الإشكالية؟

وهل ستعملون بجدية لتوفير هذه اللقاحات؟

شكرا.

السيد رئيس الجلسة:

شكرا السيد المستشار.

الكلمة للسيد الوزير.

السيد وزير الصحة:

أولا تنشكر السيد المستشار اللي عطاني هاذ الفرصة، لأن هاذ

السؤال جاوبت عليه في الغرفة الأولى، باش نؤكد أمام المغاربة ونتوجه لهم، ماكاين حتى شي انقطاع في اللقاحات في المغرب، وخاصة هاذ اللقاح.

تنعرفو العربية السعودية تلح وتركز على أن جميع المعتمرين والحجاج خاص يكون عندهم هاذ (le vaccins)، يعني الرباعي التكافؤ، vaccins).

هاذ (le vaccin) هذا فيه جوج دالأنواع في المغرب وعلى الصعيد العالمي، اللامقترن (non conjugué)، اللي الفعالية ديالو غير شوية، 174 درهم، اللي كان كيتباع كيديروه الحجاج المغاربة، وكاين الآخر،(conjugué)، المقترن، اللي تيدير حوالي 780 درهم، إلى آخره.

هذا أكثر فعالية (les anticorps) تيبقاو خمس سنين.

أما هذا ديال 800 ما عمروا انقطع في المغرب.

كل ما في الأمر، مادام هاذ الثاني هو أكثر فعالية، المختبر اللي تيصنع اللقاح الغير المقترن (non conjugué)، مشى في اتجاه أنه تيخفض الصنع ديالو في أفق 2020 لحذفه، ما عندو ما يدير به، ما تيشريو منو غير الدول النامية والفقيرة، ما تيبيعش، مشى فهاذ الاتجاه الثاني.

احنا بإجراء استباقي في وزارة الصحة، لأن المغاربة ولفوا، ما يمكنش نمشيوا من 174 ل 800، جبنا هاذ اللقاح، وأعلننا في البوابة ديال (l'institut pasteur)، بأن غنبداوا اللقاح البارح، يوم الاثنين، وابديناه البارح حوالي 956 في الدار البيضاء، وشي 300 وشي حاجة في طنجة.

إلى حدود اليوم، في يومين زدنا الموارد البشرية باش نلقحو، زدنا تقنيه.

إلى حدود الساعة اللي تندوي معك السيد المستشار، حوالي 2816، ولا و 15 اللي تلقحوا.

يعني أؤكد أنه، لا العمرة إن شاء الله، ولا الحج إن شاء الله، كل شي اللقاحات موجودة، وغتكون موجودة، ودابا موجودة، وكل شي غيدوز إن شاء الله بخير، واحنا اخدينا جميع الإجراءات اللازمة.

شكرا السيد المستشار المحترم.

السيد رئيس الجلسة:

شكرا السيد الوزير.

الكلمة لأحد السادة المستشارين من الفريق الاشتراكي للتعقيب.

المستشار السيد محمد علمي:

شكرا السيد الرئيس.

في الواقع السيد الوزير المحترم، ما قلتموه صحيح هو في شق إن ابتداء من اليوم وغير صحيح بالنسبة للعشرين يوما الماضية.

ما وقف عليه الفريق الاشتراكي هو أن المخزون داللقاح نفذ، وهذا باعتراف مجموعة ديال وكالات الأسفار ديال الدار البيضاء، ديال الرباط، ديال مدينة طنجة.

بغيتو نمدكم بالأسهاء دالوكالات الأسفار نعطيوهم لكم، بغيتي نعطيو القائمة ديال المواطنين المغاربة الذين أرادوا أن يقصدوا بيت الله الحرام لأداء مناسك العمرة، لأن هذا الفعل هو مندوب، يثاب عنه، فاضطروا إلى شراء اللقاح في السوق السوداء ب 800 درهم، هذا ديال 70 درهم شراوه بر700 درهم.

أكثر من ذلك، السيد الوزير المحترم، في الدار البيضاء، وكاينة شكاية عند النيابة العامة، كاينة وكالات الأسفار اللي كانوا غير كيكاشيو، وهاذ الشي راه وقعت فيه السفارة السعودية، يضعون خاتم على أن المواطن لقح والحقيقة هي غير ذلك.

مؤدى ذلك، ماذا؟ هو أن هناك غياب ديال سياسة حكومية استباقية لنفاذ المخزون.

فعلا، ملي وقعت الضجة، ربما الحكومة تداركت الأمر البارحة أو اليوم، ولكن رغم ذلك ما يؤكد صحة كلام الفريق الاشتراكي، هو أنكم اليوم إلى مشيتو غير للمركز ديال التلقيح المتواجد بمدينة الرباط، غادي تلقاو واحد الاكتظاظ كبير، هذا ينم على أن مجموعة ديال المواطنين كانوا ينتظرون وصول اللقاح.

إذن، السيد الوزير المحترم، احنا بغيناكم اليوم توضحوا للمغاربة بأن اللقاح فعلا موجود، حتى لا يتعرضوا للنصب، مزيان يكون كاين، وحتى يتم القضاء على الظاهرة ديال ختم ذيك الكناش ديال التلقيح، لأن كاين بعض الوكالات سامحهم الله، راه ما يمكنش ندير الدعاية أو التشهير بالناس، كيديروا الخاتم على البطاقة ديال التلقيح والحال أن المواطنين لم يلقحوا بعد، وتم الوقوف على هاذ الحقيقة في السفارة.

ثالثا، هاذ المسألة راه كاين واحد الاحتكار بالنسبة للتقدير ديال المواطنين، بأن يتم سحب ذيك التلقيح اللي هو معمول به ما سحبتوش المنظمة العالمية للصحة لفائدة مختبر أو شركة أخرى لترويج لقاح كتفوق الثمن ديالو 700-800 درهم.

احنا اليوم القصد ديالنا من هاذ السؤال، السيد الوزير، هو تنوير الرأي العام وتعطيو فرصة للمواطنين المغاربة حتى لا يضلل عليهم من طرف وكالات الأسفار وحتى لا يتعرضون للنصب والاحتيال، اللي واحد المجموعة دالناس كيلقاو هاذ الفرصة هاذ وكيتحينوا الفريسة وكيبغيوا ينصبوا على المغاربة بهاذ الظلامية اللي ما كتكونش الشفافية وعدم تحمل وزارة الصحة المسؤولية ديالها.

وشكرا.

السيد رئيس الجلسة:

ئىكرا.

والكلمة للسيد الوزير للرد على التعقيب.

السيد وزير الصحة:

بعجالة، أؤكد مرة أخرى اللقاح ديال 800 درهم المقترن le vaccin) ماعمرو تقطع في المغرب، وباقي.

دابا إلى كانت شي (agence de voyage) كتطبع، آش بغيتي وزارة الصحة غادي تمشي تشوف واش كيتطبعو ولا لا؟ أنا كنشوف في الميدان الصحي، هاذ الشي ماكاينش.

الآخر الغير المقترن، راني شرحت لك السيد المستشار وقلت لك علمونا، قال لك هما تير.. وعندو الحق، جميع الدول كتمشي للفعالية والنجاعة، وليني ما تقولش ليا هذاك ديال 174 هو اللي كيتباع ب 800. لا، 800 راه كاين، دامًا كاين وكاين، غير الناس بغاو اللي رخص، ولفوهم من حقهم، واحنا بطريقة استباقية الوزارة اخذات على عاتقها.

أنا تندوي معك على البارح وأنت قلت لي 20 يوم، لا ما تندويش تنقول لك البارح احنا اخذينا في البوابة، احنا لأغراض لنا باش نديرو (l'organisation) ديالنا، اتفقنا باش نبداو التلقيح ديال المعتمرين ابتداء من البارح، فابديناه وهاذ الشي اللي كاين، وليني المغاربة من هذا المنبر ما كاين حتى شي لقاح اللي...

السيد رئيس الجلسة:

شكرا السيد الوزير.

وننتقل إلى السؤال الرابع وموضوعه "احترام الصيادلة لمقتضى التواجد بالصيدليات أثناء عملهم".

الكلمة لأحد السادة المستشارين من فريق العدالة والتنمية لتقديم السؤال.

المستشار السيد علي العسري:

شكرا السيد الرئيس.

شكرا السيد الوزير.

السادة الوزراء،

السادة والسيدات المستشارين والمستشارات المحترمين،

الكثير من الصيادلة يتواجدون بصيدلياتهم أثناء عملهم ويقومون بعملهم على أحسن وجه، غير أن بعضهم للأسف الشديد يتعمد الغياب عن الصيدليات أثناء مزاولته لمهامه وحولها لمجرد محلات تجارية، بل منهم من يمارس أعمال موازية ومنهم من هو مستقر خارج البلد ومنهم من يستقر عدن بعيدة عن مكان صيدليته.

لذا، نسائلكم، السيد الوزير المحترم، عن مجهوداتكم لمعالجة هذا الأمر، والزامحم باحترام المقتضى القانوني الذي ينص على الزامية حضورهم في صيدلياتهم.

وشكرا.

السيد رئيس الجلسة:

شكرا السيد المستشار.

الكلمة للسيد الوزير.

السيد وزير الصحة:

السيد المستشار، شكرا على طرحكم لهذا السؤال.

القانون 17.04 تيلح وتيركز في المادة 144 أن مزاولة ممنة الصيدلة خاص بصفة شخصية.

عندك الحق، كاين الغياب وكاين مشاكل.

احنا كيفاش تنعالجوه، أشنو هما التدابير؟ أولا، كاين دورية التفتيش اللي تتقوم بها الوزارة ولا التفتيش بناء على الشكايات الواردة.

فاخذينا قرارات، مثلا إلى تتسمعوا في هاذ اليامات، 4 ديال الصيدليات سديناها أغلقناها تماما، لأن مولاها، كما قلت السيد المستشار، خدامين في الخارج، سنين وسنين والصيدلية محلولة، منذ واحد أكثر من 32 عام وهو في كندا.

النقطة الثانية، هو سيفطنا رسائل للوكيل العام للملك في حق 21 صيدلي اللي ثبت الغياب ديالهم، لأن تتعرف المادة 144 تتقول الصيدلي الغائب العقوبة هي بين 3000 و 15.000 درهم و(le double) في حالة العود فقط، ولكن احنا مشينا أبعد من هذا، بغينا نغيرو هاذ القانون، اللي تيطالبو التغيير ديالو حتى هما الصيادلة لأغراض أخرى فيما يخص الأدوية، احنا بغينا نعدلوه لأن هاذ القانون باش نشددو على العقوبات، ما يمكنش واحد ما تيخدمش ياخذ 3000 درهم ديال العقوبة، هذه غير معقول.

ثانيا، باش نفعلو واحد الدور، نرجعو لواحد الدور فعال كبير مسؤول ديال الهيئة الوطنية ديال الصيادلة، يا للأسف القانون الحالي جا ولا ما جاش، الهيئة الوطنية ديال الصيادلة ما عندها ما دير، خاص يمشي مفتش خاص يلقاه خاص (la preuve) وخاص يقول ليا أنا، وأنا نكتب لوكيل الملك ونبقاو غير تندورو.

هاذ الشي كلشي خاصو يتبدل، إعادة النظر إن شاء الله احنا تنبدلو فهذا القانون.

شكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشارة السيدة كريمة أفيلال:

شكرا السيد الرئيس.

السادة الوزراء،

السيدات والسادة المستشارين،

السيد الوزير المحترم، نشكركم على المجهودات التي تقومون بها لحماية

حقوق المواطنين وحماية كذلك ممنة الصيدلة.

غياب الصيدلي عن الصيدلية يؤثر سلبا، أولا على سمعته وعلى المهنة، وأول متضرر من هذا الغياب هو المواطن عامة والمريض بالخصوص.

بحال اللي كيعلم الجميع أن مصلحة المريض تكمن في استشارة الصيدلي في سائر أمور الدواء، فالصيدلي أولا، يقوم بدورين الدور اللي هو صحي ودور اجتاعي.

الدور الصحي أولا، هو في صرف الدواء، ثم في الوقاية ديال التوعية الصحية، وكذلك في مراقبة وتتبع صرف الدواء، هاذ العملية ديال صرف الدواء هي عملية علمية ودقيقة، يعني إذا كانت تحتاج إلى توجيه وإرشاد في مجال استعال الدواء، يعني إذا كان الصيدلي غائب عن الصيدلية فمن سيقوم بهذا الدور؟

وكذلك هناك في مجال استعمال الدواء، ملي تيكون الصيدلي تيتجنب ذيك الآثار، تينصح المريض لتجنب الآثار الجانبية، هندوك (les interactions) ديال (les médicaments) مع المواد الغذائية وبيناتهم، إذن هنا كنقولو إلى كان الصيدلي غائب فمن سيقوم بهذا الدور؟

لكي نكون منصفين، لا حرج أن ننتقد الصيدلي، ولكن لابد أن نشير أن عدة مشاكل يتخبط فيها الصيدلي، يجب الالتفات إليها والأخذ بعين الاعتبار.

أولا، النصوص غير المسايرة للمهنة.

ثانيا، المنافسة غير الشريفة اللي تتلجأ لها بعض الصيدليات، خاصة أنهم تيهبطو في الثمن ديال الدوا، باش تيجلبو الزبون، وهذا تيضر بالصيدليات المجاورة.

ثالثا، السيد الوزير، لاحظنا في الآونة الأخيرة أن بعض الصيادلة يعانون في صمت، إما لضعف القدرة الشرائية وإنما لانخفاض..

السيد رئيس الجلسة:

شكرا السيدة المستشارة، شكرا السيدة المستشارة المحترمة.

والكلمة للسيد الوزير في إطار الرد على التعقيب.

السيد وزير الصحة:

بعجالة السيدة المستشارة، كنحترم الرأي ديالك غير خاصنا نتفاهمو.

ما يمكناش نبررو الغياب بالمشاكل اللي تيعيشها الصيدلي.

أنا متفق معك، تيعيشو مشاكل وأنا عارف هذه المشاكل، وليني هاذ الشي راه تيتحل فواحد الإطار، تتقولي ليا القانون أنا متفق، وليني القانون ما يمكنش يديرو وزير بوحدو، يالاه كاع راك عرفتي المشاكل اللي عشنا مع (le conseil du nord)، دابا يالاه أول مرة عندنا هيئة وطنية منتخبة يعنى مستقلة، أول مرة في تاريخ المغرب.

وهاذي هما اللي خاصهم يديرُو المبادرة ويمشيو للقانون، احنا غاديين

تدريجيا في إطار واحد السياسة دوائية.

ولكن هذا لا يبرر الغياب، وقلتيها، لأن الطبيب ماشي بائع ديال الأدوية هو تينصح تيعطي (les conseils)، (les pharmacies) ديال كلها تيديرها، راه 30 مليون مغربي تيدوزوا في (les pharmacies) ديال (les pharmacies)، 30 مليون نسمة تتدوز في جميع الصيدليات في الشهر.

شكرا.

السيد رئيس الجلسة:

شكرا السيد الوزير.

وننتقل إلى آخر سؤال في قطاع الصحة وهو السؤال الخامس، وموضوعه "أسعار العلاج بالمصحات الخاصة".

والكلمة لأحد السادة المستشارين من الفريق الحركي لتقديم السؤال.

المستشار السيد مبارك السباعي:

شكرا السيد الرئيس.

السادة الوزراء،

السيدات والسادة المستشارين المحترمين،

يعتبر العلاج بالمصحات الخاصة جد مكلف، بحيث يعتبر السرير الطبي ببلادنا الأغلى في دول شال إفريقيا.

كما أن الخدمات المقدمة للمرضى لا تتلاءم والتسعيرة المفروضة عليها، ويعزى ذلك إلى غياب المراقبة وعدم اعتماد تعريفة موحدة للخدمات الصحية بها.

علما أن هناك تمركز لهذه المصحات في بعض الجهات بعينها، مما يفرض على المرضى وذويهم مصاريف إضافية للتنقل نحو المدن الكبرى للعلاج، ماشى غير التنقل وانما المبيت وواحد العدد ديال المسائل.

وفي هذا السياق وفي ظل الإصلاح التشريعي الذي أشرفت عليه الحكومة والممثلة في فتح رأسال المصحات أمام الخواص من غير الأطباء، نسائلكم السيد الوزير المحترم عن إستراتيجيتكم لتصحيح هذا الوضع؟ شكرا السيد الوزير.

<u>السيد رئيس الجلسة:</u>

شكرا السيد المستشار.

الكلمة للسيد الوزير.

السيد وزير الصحة:

شكرا السيد المستشار المحترم.

أولا، الأثمنة في المصحات كاين 2 دالأنواع، المصحات اللي داخلة في الاتفاقية المرجعية ديال تحديد الأثمنة، اللي توقعت في 2006، كاين أثمنة مضبوطة.

كاينين المصحات اللي ما داخلاتش في (l'AMO¹) اللي ما بغاتش، ما داخلاش، هاذي كاين واحد المرسوم ديال وزير الصحة ديال 1990 اللي تبحد الحد الكبير العالى من تما يمكن يدير.

ولكن هذه من الناحية النظرية هاذ الشي اللي تنقول لك، من الناحية العملية أنا متفق معك، كاين مشاكل، هاذ الشي كاين اختلالات، كاين فيه الفلوس، مثلا الأدوية في المصحات خاصها تباع بثمن المستشفى، hospitalier) اللي تيكون رخيص جدا، وإذا به كيتباع دابا في المصحات، اللي تيمشي ملي تيحسبو عليه، ماشي جميع المصحات، بعض المصحات، تيتحسب عليه بحال اللي شراه من (la pharmacie)، يعني المصحات تيدي في الربح أكثر من الصيدلي ولهذا الصيدلي غير يسد، هذه النقطة تيدي في الربح أكثر من الصيدلي ولهذا الصيدلي غير يسد، هذه النقطة الأولى.

النقطة الثانية، أشرت لواحد النقطة محمة هو القانون ديال فتح رأس المال، هي القانون 131.15 اللي صوتنا عليه جميع، هذا القانون أولا تيركز على نقطة محمة جدا اللي (l'arrêté) خرج والمرسوم خرج، اللي ابدينا الاجتماعات، لأن هاذ الشي غينوض شوية الصداع غير تيتوجد من الناحية البيداغوجية، وليني غادي نمشيو في هذا الاتجاه، هذا ماشي خوف، وليني تنوجدو الناس.

أشنو هو هاذ الإتجاه، هاذ القانون جاب واحد النقطة محمة، هو في مكان مقروء وباين فالدخلة دالمصحة، في الدخلة يكون فيه جميع الأثمنة مكتوبة، وواضحة إما في (cabinet) واما..

هذه مسائل تحتاج واحد التوجيه بيداغوجي، واحنا غاديين مع المصحات، مع الإخوان الأطباء تدريجيا باش نطبقو هاذ الشي.

شكرا السيد المستشار المحترم.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد الرحمان الدريسي:

شكرا معالي الوزير.

السادة الوزراء،

إخواتي المستشارات، إخواني المستشارين،

مما لا شك فيه، معالي الوزير، هو أنه العمل جبار وفتحتو واحد الجبهات كبيرة واحنا معكم وتنعرفو بأن العمل كبير جدا، وكذلك خدمتو في مسائل الأدوية.

ولكن السيد الوزير، في الحقيقة هاذ المسألة ديال التسعيرة، هي تيكونو بعض الناس ما بين الوفاة وما بين الحياة وهذا ما تبقاش عندو، ما بقاش عندو الوقت فين يقلب على مصحات آخرين، بالخصوص أن المصحات

¹ Assurance Maladie Obligatoire

كلهم متواجدين فواحد المركز اللي هو الدار البيضاء، الرباط اللي معروف، وبالتالي تيتحكم على الناس اللي جايين من مناطق آنية وبعيدة، تيتحكم عليهم أنهم تيتعرضو لواحد الطريقة والابتزاز اللي ما تتليقش بنا كمغاربة، واللي خاصنا كلنا نتعاونو معك و باش أننا نحدو من هاذ الإشكاليات.

كذلك تنهضرو على الناس اللي عندهم (la mutuelle) تنهضرو على "RAMED"، "RAMED" غير مقبول فهاذ المصحات الحاصة، وكنوليو حتى ذوك ألأطباء اللي تيزاولو العمل ديالهم في المصحات اللي هما ديال الدولة كنوليو تنلقاوهم هما، نفس الأطباء اللي تيعاودوا يقولوا للإخوان نتلاقاو في المصحة الفلانية، لأنه راه خاصو يدير لو العملية تما، وبالتالي تنعرضو للابتزاز يوميا وتيتعرضوا المرضى ديالنا للابتزاز يوميا.

السيد الوزير،

عرفنا فيك بأنه بكل صراحة، ماشي تنلوحو (les fleurs) عليك، وإنما فتحتي جبهات كبيرة، هاذ المسألة ديال الصحة ديال المواطنين هي مسألة محمة جدا، وما يمكنش أن نخليو هاذ الأمراض أو المرضى دياولنا أنهم يتعرضوا لهاذ الابتزاز هذا، وبالخصوص الناس اللي جايين من مناطق آنية، واحنا تنعرفوا الطبة كلهم تيجلسو يومين في المستشفيات العادية وهاذ الشي راه في راسك، السيد الوزير، وراك عارف المناطق كلها من فكيك للراشيدية ورزازات تنغير إلى كلميم، هذيك الجهة كلها، هاذوك الطبة تيجلسو يومين ويطلعو للمصحات الخاصة، وبالتالي تيولي المواطن دائما هو اللي تيخلص هاذ الضريبة الكبيرة، وما يمكنش نبقاو تنتفرجو على هاذ الناس.

وشكرا السيد الوزير.

السيد رئيس الجلسة:

شكرا السيد المستشار المحترم.

الكلمة للسيد الوزير.

السيد وزير الصحة:

لا أنا بعجالة، أنا ما غاديشاي، أنا مغانتفقش تماما مع السيد المستشار المحترم.

غير نؤكد واحد النقطة، إلى جات على خاطرك، هاذ الشي اللي قلت حالات كاينة، ولكن لابد ما نشهدو ونكونو منصفين، جل الموارد البشرية، الأطباء كلهم، لأن لو كان ما كانوش كلهم يعني نزهاء شرفاء، وتيخدموا وتيبغيوا بلادهم وتيبغيوا المرضى ديالهم وتيعطيوا، الطبيب تيجي يداوي تيدير ليه الجبس تيعطيه.

وليني كاين هاذ الفئة لي قلتيها، ماشي ماكايناش، ما غاديشاي ننكرو عاود ثاني نقولو راه كلشي مزيان، كل شي تيتباوس، كل شي تيتعانق، لا، عندنا حتى احنا هاذ الشي، وليني هذوك احنا لهم بالمرصاد، معكم، مع جميع

المنتخبين، راه اللي عندنا (la preuve) راه ما تنفلتوش، راه اللي فرط يكرط.

شكرا السيد المستشار المحترم.

السيد رئيس الجلسة:

شكرا السيد الوزير.

وشكرا له على مساهمته معنا في هذه الجلسة.

وننتقل إلى ألأسئلة الموجمة للسيد وزير السكنى وسياسة المدينة، والسؤال الأول موضوعه "دعم المشاريع العقارية".

والكلمة لأحد السادة المستشارين من فريق الاتحاد العام لمقاولات المغرب لتقديم السؤال.

المستشار السيد يوسف محيي:

شكرا السيد الرئيس.

السادة الوزراء،

السادة المستشارين والمستشارات المحترمين،

في السنوات الأخيرة دخل قطاع العقار في المغرب في وضعية صعبة وحالات ارتداد، إذ تشير مختلف التقارير إلى حالة الجمود التي يعيشها، وقد أشار تقرير بنك المغرب إلى تراجع مواد البناء وخاصة الإسمنت بشكل مستمر منذ سنة 2012، إذ وصل إلى قرابة أقل من 15% في ظرف سنتين، مع تراجع قروض الأبناك للمواطنين الراغبين في الحصول على قرض، فضلا عن ارتفاع العرض بشكل واضح في مقابل تراجع الطلب.

ما هي، في هذا السياق، السيد الوزير، التدابير المتخذة لإعادة الروح لهذا القطاع؟

وكذلك ما هي التشجيعات التي بمقدورها تحفيز المنعشين العقاريين من أجل تقديم منتوج يلبي حاجيات المستفيدين؟

السيد رئيس الجلسة:

أرجو من السادة المكلفين بالصوتيات باش يزيدوا شوية في الصوت، لأن السيد المستشار استمعنا له بصعوبة.

الكلمة للسيد الوزير في إطار الرد.

السيد محمد نبيل بنعبد الله وزير السكني وسياسة المدينة:

شكرا لكم السيد الرئيس.

شكرا السيد المستشار المحترم على هذا السؤال.

أريد أن أذكر فقط بأن قطاع العقار هو القطاع الإنتاجي الذي استفاد من أكبر التشجيعات وأكثر التشجيعات خلال 15 سنة الأخيرة، لا على مستوى التحفيزات بالعقار المسلم من قبل الدولة بأسعار مخفضة جدا.

² **R**égime d'**A**ssistance **Méd**icale

بالطبع، في فترة ما عشنا واحد الصحوة، واحد القفزة هائلة على مستوى قطاع العقار، مما جعل على أننا استطعنا في المجال ديال السكن الاجتماعي على وجه الخصوص أننا نلبيو الطلب اللي كان طلب مرتفع جدا، وقلصنا من العجز السكني ويمكن لي نقول ليكم أنه فقط من 2010 لدابا نحن الآن سلمنا تقريبا واحد 300 ألف شقة وسنصل إلى 500 ألف من هنا لنهاية السنة المقبلة أقصى تقدير، بمعنى أنه هناك تراجع ديال الطلب على هذا المستوى، ماشي لأن الفئات الشعبية غير موجودة لأن بعض هذه الفئات لا تتوفر على الدخل الكافي من أجل أنها تاخد هاذ العقار أو هاذ السكن الاجتماعي.

الآن مع ذلك نحن نبحث عن إجراءات إضافية دون اللجوء إلى التحفير الجبائي، درنا السكن الموجه للفئات الوسطى، هاذ السكن درناه وصادقتيو عليه هنا ب 7200 درهم للمتر المربع باش يمشيو يهتمو به، أقول بأنهم ما مشاو لوش لأنه مفيهش التحفيزات الجبائية وبالتالي ما مشاو لوش، ولكن راه أسائلكم كذلك بالنسبة للمنظمة العتيدة التي تمثلونها والتي من داخلها تقول لا يمكن أن نستمر في إعفاءات جبائية لقطاع دون إعفاءات جبائية لقطاعات أخرى.

فبالتالي نحن نوجد في وضعية اللي من الصعب أن نستمر على هذا الأساس، لكن مع ذلك نبحث عن صيغ جديدة من أجل دعم هاذ القطاع هذا، علاش؟ لأنه هو اللي كيجر الاقتصاد الوطني، هو اللي كيشغل اليوم ما يناهز المليون منصب شغل، وبالتالي هو اللي كيلعب الدور ديال الدفع والقاطرة على مستوى الاقتصاد الوطني إلى يومنا هذا رغم المجهودات المبذولة في الصناعة وغير الصناعة، يظل قطاع العقار هو المحرك الأساس ولذلك يتعين أن نجتهد أكثر على هذا المستوى، مع القطاع البنكي والقطاع البنكي راه التشجيعات اللي دار كذلك الآن بالنسبة لنسب الفائدة اللي تراجعات بشكل كبير مقارنة فقط مع هاذي عامين ولا 3 سنين، فاعتقد أنه هاذ الأمر هذا يتعين كذلك أن يعي الجميع بأنه في فترة ما كانت نسب الربح مرتفعة، اليوم يتعين أن الإنسان يقنع باللي جاب الله.

السيد رئيس الجلسة:

شكرا السيد الوزير.

انتهى الوقت، الكلمة لأحد السادة المستشارين في إطار التعقيب.

المستشار السيد يوسف محيي:

شكرا السيد الوزير، كنشروك على العرض ديالك القيم، ويعني راك لخصتيه، واحنا راه قانعين، ولكن مع ذلك راه خاص تحفيزات السيد الوزير لأنك قلتي بأنه قطاع قاطرة ديال التشغيل، وإلى المنعشين متيمشيوش لواحد البرنامج لأن ذاك البرنامج فعلا ما فيهش الربح، ما تيمكنش لواحد المستثمر يمشي لشي حاجة فيها الحسارة، وباش نقول ليك راه هاذ الشي راه واقع، راه حتى من "العمران" اللي هي مؤسسة ديالكم ألسيد الوزير راه ما

مشاوش لهاذ البرنامج ديال السكن المتوسط، يعني برنامج فاشل، هذا لا يعني بأننا غنوقفو، كيف قلت، ما ابغيناش نفرضو التحفيزات نقولو جبائية، ولكن كاين طرق أخرى ديال التحفيز اللي خصنا ندرسوها يمكن جميع.

مثلا، السيد الوزير أن تصاميم التهيئة اليوم، هي واحد المسألة إستراتيجية بالنسبة للمنعش العقاري، كتعرف بأن واحد العدد ديال المدن في المغرب ما عندهاش، وذيك اللي عندها وخرجوا، خرج ما هو هذاكش بلا ما نقول ليك طنجة راك عارف أش واقع؟ الناس عندهم أراضي اليوم صدقو فيها حدائق مع من غيضرو هاذ الناس هاذو؟

هاذ الناس دبا القطاع ديالكم ألسيد الوزير نقدرو نقولو أفقي فيه أنتما، فيه التعمير، فيه الداخلية، فيه الجماعات المحلية مع من غيهضرو هاذ الناس؟ إذن ابغينا تصميات التهيئة وابغينا إعادة النظر فذيك اللي خرجات وما خرجاتش مقادة.

من جهة أخرى، كاين كيف قلت السكن المتوسط، خصنا نلقاو ليه حل السيد الوزير، لأنه الناس تيمشيو للسكن الاقتصادي والسكن الاجتماعي وتيديوه للفئات اللي ما محتجاه، كاين اللي تيشري جوج ديال المحلات تيشري 3 وتيلاقيهم، يعني إلى ما لقيناش شي حل باش يمكن هاذ (programme) تا هو يتمشى راه كارثة.

كذلك، السيد الوزير واحد البرنامج وقانون محم اللي صوتنا عليه مجموعين اللي قدمتوه، هو القانون ديال البيع في طور البناء، قانون إستراتيجي قانون 107.12 الإشكالية ديالو حتى هو اليوم ما خدماش، هاد القانون أشنو هو الأهمية ديالو؟

هو تيسهل الاقتناء ديال السكنى للناس اللي يبغيوا يشريوا، لأنه تيخلص بالأقساط وتيشجع المقاول اللي تيمكنهم بواحد التمويل بواحد الفائدة قللة.

اليوم هذا البرنامج واقف علاش؟ واقف على الأبناك لأن هما الطرف الثالث السيد الوزير راك تكلمت عليهم، الأبناك اليوم مازال ما عرفوش كيفاش يتعاملوا ما هاذيك شهادة ضهانات إنهاء الأشغال، اللي هي ولابد منها باش يبداو يتكاتبوا قدام (notaires)، يعني هذا القانون كله اللي دار وخدمنا عليه باش نحفزوه راه هو واقف لأنه ما عرفناش كيفاش نقولوا راه الأبناء معنا في الاتحاد العام لمقاولات المغرب، ولكن بغينا منكم السيد الوزير أنكم تتدخلو وتلقاوا كيفاش نحلوا هاذ الإشكالية باش يمكن للمقاولين المنعشين يخدمو بهاذ القانون.

شكرا السيد الوزير.

السيد رئيس الجلسة:

شكرا السيد المستشار المحترم.

وبالطبع السيد الوزير استنفذكل وقته في الإجابة على السؤال، لذلك ننتقل إلى السؤال الثاني وموضوعه "إعادة هيكلة المراكز القروية".

الكلمة لأحد السادة المستشارين من فريق الأصالة والمعاصرة فليتفضل.

المستشار السيد عبد الإلاه المهاجري:

بسم الله.

السيد الرئيس،

السادة الوزراء،

السيدات والسادة المستشارين المحترمين،

السيد الوزير، تعيش العديد من المراكز القروية بالمملكة أوضاعا متردية ومزرية على مستويات متعددة، سواء من حيث تردي الشبكة الطرقية أو ضعف الخدمات الصحبة أو سائر الخدمات الأخرى، إلا أن ما يهمنا في هاذ السؤال هو النسيج العمراني بهذه المراكز التي أصبح مترديا بفعل عوامل الزمان وضعف اهتام الحكومة به، خصوصا على مستوى الترميم والصيانة بحيث أصبحت أغلب البنايات آيلة للسقوط وتهدد أرواح المواطنين وممتلكاتهم.

في هذا الإطار نسائلكم السيد الوزير عما قمتم وما ستقومون به من أجل تأهيل النسيج العمراني بهذه المراكز؟ وشكرا.

السيد رئيس الجلسة:

شكرا السيد المستشار.

الكلمة للسيد الوزير.

السيد وزير السكني وسياسة المدينة:

شكرا السيد الرئيس المحترم.

فقط السيد المستشار، شكرا على سؤالكم، بإيجاز شديد، العالم القروي لم يستفيد في أي فترة حكومية قبل هذه الحكومة من برامج من وزارة السكنى ومن وزارات أخرى، نتكلم على وزارة السكنى اللي تنعرف لها، ما يناهز 300 ديال الجماعات القروية التي استفادت من برامج مباشرة من قبل الوزارة.

ما نهضروش على اللي داز، نهضرو فقط أننا غدا غادي نمشي لبني ملال عنوقع مع الجهة ديال بني ملال - خنيفرة اتفاقية ديال 500 مليون درهم من أجل العناية بالمراكز القروية فقط، دون المراكز الحضرية التي ستستفيد بمواصلة البرامج الأخرى اللي موجودة، ونفس الاتفاقية درتها مع الشرق، ونفس الاتفاقية درتها مع درعة تافيلالت، وأنا الآن هذا الصباح كنت في اتصال مع رئيس جهة الدار البيضاء سطات ومستعد أنني نوقع على نفس الاتفاقيات قبل نهاية هذا الانتداب من أجل العناية آنذاك بكل المراكز القروية في المغرب حسب حاجياتها وحسب ما يمكن أن تقدمه من برامج ناجعة وقادرة على الرقي بهذه المراكز.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد الإلاه المهاجري:

شكرا السيد الوزير.

غير هاذ الأرقام اللي قلت لنا 300 جاعة وهذا، احنا في جمتنا ما عندنا حتى شي جاعة استفادت من هذا، جمهة مراكش-آسفي حتى شي جاعة ما فراسنا ولو، بالعكس عندنا احنا اتفاقية شراكة مازال ما لقت القبول، إنما السيد الوزير الكتاب تيتقرا من العنوان ديالو وما تنقصدش الكتاب ديالكم ديال الرمز ديالكم السيد الوزير، أي كتاب هذا راه مثل، فمن خلال التسمية اللي معطية للوزارة ديالكم راه هي وزارة التعمير وسياسة المدينة، وأنتما بالفعل عاطيين الأهمية غير المدن بالخصوص المدن الكبرى ما شي جميع المدن، غير المدن الكبرى هي اللي معطية الأهمية.

واللي تنلاحظو في هاذ السنوات الأخيرة واحد الفرق شاسع تنخرجو بين المدن الكبرى والمراكز القروية اللي في النواحي ديالها، انك تتخرج من مدينة تتخرج عليها، كمثل مدينة مراكش تتخرج تبعد بواحد 20 دقيقة ولا 30 دقيقة بسيارتك، تتلقى مراكز قروية في الحقيقة بعيدة كل البعد، لا .. مكاين لا بنية تحتية، لا إنارة، لا..

فعلى سبيل المثال في الطريق الوطنية 212 كاينة مجاط ومزوضة، الطريق الوطنية 9 سيد المختار، لمزوضية، ما فيهم والو.

وهاذ المراكز ماكتتوفر على أبسط الشروط لاستقبال العالم القروي.

ونهضرو، السيد الوزير، هاذ المراكز القروية، حتى الأسواق الأسبوعية ديالها، ما عرفات تغيير من زمن الاستقلال، ما عرفات وكل شي كيعرف بأن الأسواق الأسبوعية ديال هاذ المراكز هي المتنفس الوحيد ديال هاذ الساكنة، هي (le weekend) ديالهم كيف كنقولوا احنا، وهاذ الأسواق راه ما كتتوفر على حتى شي حاجة.

لهذا السيد الوزير، كنطلبوا منكم باش هاذ الأسواق وهذا تتوفر على أبسط المرافق ديال...

وشكرا السيد الوزير.

السيد رئيس الجلسة:

شكرا السيد المستشار المحترم.

الكلمة للسيد الوزير للرد على التعقيب.

السيد وزير السكني وسياسة المدينة:

فقط، للقول بأنه هناك عشرات المدن المتوسطة، نعطيك أمثلة، واش تحناوت مدينة كبيرة؟ تنغير مدينة كبيرة؟ أنيف مدينة كبيرة؟ عطيه، قولها لو.

والزمامرة مدينة كبيرة؟ وعدد، وسول الإخوان اللي عندك هنا، واش

السارة مدينة كبيرة؟

هاذو كلهم، عاد المراكز القروية.

الآن، بغيت نوجه لك واحد الرسالة مباشرة، الإخوان ديالك هنا حاضرين، رافعين ملفاتهم، مثل ما هو الشأن بالنسبة لفرق أخرى من المعارضة.

معروف على وزارة السكنى، أنها اشتغلت مع الجميع، جيب ملف ديال أي جاعة نشتغل معك، نجيوا احنا من الرباط ونبقى نشير بالأقاليم وبالجهات ونقول هنا غنخدم، وهنا ما غنخدمش، ما يمكنش.

السيد رئيس الجلسة:

السيد المستشار المحترم.

الكلمة للسيد الوزير.

السيد وزير السكني وسياسة المدينة:

..اعطاني المجلس البلدي ديال شيشاوة، شيشاوة من المدن اللي اشتغلنا معها، فيها برنامج أول وبرنامج ثاني، وهناك مطالبة ببرنامج ثالث، ومرحبا.

ولكن، شيشاوة من المدن التي استفادت، ماشي من المدن التي لم تستفد.

فبالتالي، مرحبا، مرحبا، شوف، مزوضة، لمزوضية، غير ذلك من الأقاليم ديال شيشاوة، مرحبا.

غير جيبو الملفات، وحملوهم ودافعوا عليهم، ومرحبا.

مرحبا، جيبوهم.

السيد رئيس الجلسة:

شكرا السيد الوزير.

ننتقل إلى السؤال الثالث وموضوعه "المعايير المعتمدة في دعم الدور الآيلة للسقوط".

والكلمة لأحد السادة المستشارين من فريق العدالة والتنمية لتقديم السؤال.

المستشار السيد الحسين العبادي:

شكرا السيد الرئيس.

السادة الوزراء،

السادة المستشارين والمستشارات،

أمام تفاقم المخاطر التي أصبحت تشكلها ظاهرة البنايات الآيلة للسقوط والتدهور المهول للأنسجة العتيقة، نص قانون مالية سنة 2016 على إنشاء وكالة وطنية للتجديد الحضري واعادة تأهيل المباني المهددة بالسقوط.

كما صادق البرلمان على مشروع قانون يتعلق بالمباني الآيلة للسقوط وتنظيم عمليات التجديد الحضري.

غير أن عدد الدور الآيلة للسقوط هو في تزايد مستمر يوما بعد يوم، وقد كشفت الإحصائيات الأخيرة عن حوالي 43 ألف سكن آيل للسقوط.

لذا نسائلكم السيد الوزير المحترم عن المعايير المعتمدة في دعم الدور الآيلة للسقوط؟

وشكرا لكم.

السيد رئيس الجلسة:

شكرا للسيد المستشار المحترم.

الكلمة للسيد الوزير للإجابة عن السؤال.

السيد وزير السكني وسياسة المدينة:

شكرا السيد المستشار.

بسرعة، المعايير المعتمدة هي بالضبط المعايير اللي تكلمت عليها بالنسبة للعناية بالمدن، بالقرى، بالأحياء الناقصة التجهيز.

احنا أمام 43 ألف كما قلتم، هذا إحصاء تدار في 2012.

اليوم، استطعنا نعالجوا، ماشي نعالجوا، نؤطروا باتفاقيات واحد 10 ألاف في مدن مختلفة.

نعلم بأن الإشكالية كبيرة وكبيرة جدا.

كذلك الشأن، نحتاج إلى من يحمل هذه الملفات على مستوى محلي، نحتاج إلى مواكبتنا من قبل المستوى المحلي، ثم نحتاج إلى قانون جديد، لأن التدخل صعيب في الآيل للسقوط.

دوزنا هاذ القانون الجديد، نحتاج إلى آلية جديدة، وكالة مختصة في الأمر، دوزنا هاذ الوكالة، كننتظرو النشر في الجريدة الرسمية باش نؤسسو الوكالة ونعطيو واحد الدفعة أقوى للآيل للسقوط.

ولكن، ما ننافقكمش، الآيل للسقوط مشكل ما غينتهيش، اللي ماشي آيل للسقوط اليوم آيل للسقوط غدا، لأن هناك تقادم ديال البنايات خاصة في الأنسجة العتيقة.

لذلك، هذا مشكل صعب وصعب جدا، لأنه يمكن نديرو إحصاء، الإحصاء اللي درنا في 2012 أكيد أنه لم يأخذ بعين الاعتبار، منذ ذلك الحين الشتاء، الصيف، الشمس، إلى غير ذلك، فهناك تآكل ديال البنايات وهناك واحد العدد ديال البنيات اللي تتحول إلى آيلة للسقوط.

لذلك، هذا الأمر سيستمر، علما بأن ماكاينش غير هاذ الآيل للسقوط، كاين الآيل للسقوط اللي مجاور للمدن كذلك، لأن ذاك الشي ما تبناش حسب القواعد المعمول بها، وهذا كذلك من المشاكل، إذا كانت نحن نعلم أن هناك نقص على هذا المستوى، لكن من الصعب جدا أن نتحكم في الإشكالية بشكل نهائي نظرا للحاجيات أو للإمكانيات اللي كنتوفرو عليها اليوم.

الحسابات اللي دايرين، اليوم هاذ 43.000 كتتطلب 7 دالمليار ديال الدرهم للتدخل اليوم، إذا أردنا أن نتدخل من أجل القضاء على هاذ

43.000 دون ما تبقى، ما عندناش 7 دالمليار ديال الدرهم، أعترف لكم بذلك في ميزانية وزارة السكنى، عندنا ميزانية متواضعة ديال 2 دالمليار في السنة في الصندوق ديال التضامن للسكن، كنحاربو بها مدن الصفيح، كنديرو بها إعادة الهيكلة، كنديرو بها سياسة المدينة وكنديرو بها الآيل للسقوط كذلك.

شكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد الكريم لهوايشري:

بسم الله الرحمن الرحيم.

السيد الرئيس،

السادة الوزراء،

السادة المستشارون المحترمون،

فعلا، السيد الوزير، نحن نعترف أيضا معكم بأن هذا القانون الذي صودق عليه وأيضا إحداث الوكالة هو سيخرجنا من مجموعة من الاختلالات القانونية التي كانت موجودة سابقا.

لكن اليوم، السيد الوزير، تُقرون بأن هاذ الإمكانات المالية دالوزارة باش تغطي هاذ الحاجيات اللي هي موجودة غير ممكنة، ولكن أليس هناك مدخل آخر لمعالجة الموضوع؟

نحن قبل سنوات منذ الاستقلال ونحن نعالج مشكل دور الصفيح، جات برامج متعددة، لكن الأمر استمر، لماذا؟ لأمر بسيط هو أن هذا الموضوع أصبح مدخلا للربع.

لكن اليوم سؤالنا، السيد الوزير، هو تركز حول المعايير، لأن إذا ما وضعناش معايير لدعم الدور الآيلة للسقوط، في الحقيقة غادي ببقاو مستمرين وغادي يبقى الموضوع مستمر، خصوصا تكلمتو، السيد الوزير، على أن الأنسجة القديمة فعلا كانت موجودة، ولكن اليوم عندنا أنسجة جديدة، ويمكن الأمر يتفاقم في ظل عدم احترام ضوابط البناء، اللي هي معروفة وتقع في الليل والنهار وتحت أعين كل المتدخلين.

لكن اليوم، السيد الوزير، احنا تنقولو بأن توضع معايير، أو ليس من الضروري أننا اليوم في علاقتنا مع المتدخلين أننا يكون عندنا مقاربة شمولية، وتكون مبنية في علاقتنا فيه تتبع هذا الدعم الذي نمنحه للجماعات يكون منتبع، وعندنا آليات للتتبع ديالو، أين وقع؟

أو هل تعلمون، السيد الوزير، أن بعض من استفادوا من هذا الدعم الذي لم يُمنح بالمعايير أنهم استفادوا من الدعم وانتقلوا ليحصلوا على دور الصفيح في أماكن أخرى، وبالتالي غادي يولي الكلفة ديال الوزارة أنها كلفة مالية كبيرة.

ثم الأمر الثالث هو أنه: ألم يحن الوقت لاعتماد بطاقة "RAMED" كآلية لمنح الدعم للمستفيدين؟

السيد رئيس الجلسة:

شكرا السيد المستشار المحترم.

انتهى الوقت السيد المستشار.

الكلمة للسيد الوزير للرد على التعقيب.

السيد وزير السكني وسياسة المدينة:

غير إذا سمحتيو، هذه المعايير موجودة، لأن المشكل اللي عندنا هو أنه كاين هناك واحد النوع ديال التشكيك، كيفاش كنتعاملو، واضحة كيفاش كنتعاملو.

اليوم وجدنا المدخل، ويمكن نقول لكم بأن النجاح اللي عرفناه منذ 2013 في البرنامج ديال فاس، النجاح اللي عرفناه في الرنامج ديال فاس، لأننا غيرنا المقاربة، غيرنا الطريقة ديال التعامل، غيرنا الإمكانيات التي وفرنها إلى ذلك، وابدينا كنجحو الآن، المعايير واضحة.

السيد رئيس الجلسة:

شكرا السيد الوزير، انتهى الوقت.

والسؤال الرابع موضوعه "ضرورة إعادة هيكلة الأحياء السكنية الناقصة التجهيز والتأهيل الحضري".

والكلمة لأحد السادة المستشارين من الفريق الاستقلالي لتقديم سؤال.

المستشار السيد عبد اللطيف أبدوح:

شكرا السيد الرئيس.

السادة الوزراء المحترمين،

السيدات والسادة المستشارين المحترمين،

السيد الوزير المحترم، موضوع هاذ السؤال يتعلق بإعادة هيكلة الأحياء الحضرية السكنية ناقصة التجهيز وتأهيلها، وذلك بتحسين ظروف ساكنة الأسر المعوزة، وكذلك من خلال إنجاز التجهيزات الأساسية اللازمة لتحسين الطابع المعاري والفضاءات الحضرية.

لذا نسائلكم، السيد الوزير، عن ما هي الخطوات التي قطعتها وزارتكم في هاذ الباب وفاء لما التزمت به؟

شكرا السيد الرئيس.

السيد رئيس الجلسة:

شكرا السيد المستشار المحترم.

الكلمة للسيد الوزير للإجابة على السؤال.

السيد وزير السكني وسياسة المدينة: شكرا لكم السيد المستشار.

أريد فقط أن أقول لكم بأنه البرامج ديال إعادة الهيكلة، هي البرامج اللي استفدات ربما الأكثر من التمويل ديال الوزارة، منذ 2002 حتى لدابا، مع دفعة قوية في إطار هذه الولاية الحكومية، 500 اتفاقية اللي همت مليون و001 ألف أسرة، ودخلناهم كلهم في النسيج الحضري ودخلنا لهم الطرقان والتطهير، وعبدنا الطرقات ودخلنا لهم الإنارة العمومية ودخلنا لهم الماء والكهرباء بشكل رسمي ماشي مسروق، ودخلنا لهم التجهيزات، بمعنى المدرسة، ودخلنا لهم التجهيزات الصحية، وغير ذلك، ودمجناهم في النسيج الحضري.

أقول لكم سيدي المستشار المحترم، لو ما درناش هاذ الشي، لو 2011 تحول إلى شيء آخر في المغرب، وهاذ الشي كنقول لك على 2011، ما كنتكلمش على راسي فهاذ الحكومة، كنتكلم على كل ما تم القيام به منذ ذلك الحين إلى الآن وواصلناه، هذا من البرامج الذي جاءت إفريقيا لتستفيد منه الأسبوع الماضي، لأنهم عارفين آش دار المغرب على هاذ المستوى، عارفين آش دار المغرب على هاذ المستوى ونواصل.

الآن هذا لا يعني أن ماكاينش أحياء أخرى، لأن باقي الهجرة القروية مستمرة، وطالما أن هناك هجرة قروية سنستمر في اجترار هذه المواضيع، لكن تنشأ أحياء، نعالج الأحياء، عندما نعالج الأحياء هناك نوع من النداء، الدولة براسها لما كتعالجش، أشنوا كتعالج؟ كتعالج السري، غير القانوني، اللي تبنى بشكل عشوائي، بالرشوة، بتواطؤات المختلفة.

عندما نقوم بذلك هذاك اللي ساكن في القرى كيقول بما أنه الدولة دارت هاذ الشي لصحابنا قبل منا غادي ديرو لنا كذلك.

وهذا هو واحد الحلقة اللي احنا موجودين فيها، وهاذ الأمر سيستمر إلى أن نجد الصيغ للتحكم في هذه الهجرة القروية من خلال توفير أراضي في المحيط ديال المدن باش ما يبقاوش هذوك أصحاب يشرطوا ب(la craie) وبالجير، ذوك المجزئين السريين الذين يستفيدون بالرشوة وبالتواطؤات من أموال طائلة، باش نسدو عليهم الطريق وباش نتمكنو أننا عوض ما نخليو السكن يتم بهذه الطريقة ونجيو نعالجو من بعد، نعالجو بشكل قبلي.

السيد رئيس الجلسة:

شكرا للسيد الوزير.

الكلمة لأحد السادة المستشارين في إطار التعقيب.

المستشار السيد عبد اللطيف أبدوح:

شكرا السيد الوزير المحترم.

يستحيل أنه نختلف معكم، السيد الوزير، فيما قلته، هذا واقع يمكن دراسته ويمكن الإطلاع عليه، هاذ الواقع عندو صيرورة، أسبابه ومسبباته نعرفها ويعرفها الجميع، وفهمت سؤالكم خصوصا عندما ربطته بالهجرة، الهجرة فعلا هاذي دينامكية.

والهجرة ثورة من الثورات، لأنه انتقال من واقع إلى واقع، كيفها كان الأمر.

عندما نتحدث عن السكن الناقص، أنا تنقصد المحلات اللي كاينين في المدن الحضرية، ونحيلك على مدينة مراكش، نحيلك على منطقة النخيل اللي فيها دواوير، اللي عندهم 50 عام 40 عام، 30 عام.

إذن واحد الهجرة فواحد التاريخ، وبقات قاعدين فذيك الظروف ينتظرون حلا، هذا هو الملتمس ديالنا فقط.

احنا تنطلبوا بوضوح، هاذ المنطقة هاذي، حتى هي يوصلها هاذ المجهود الكبير اللي تدار، حتى هما يوصلهم حقهم، حتى هما يكون عندهم هاذ الموضوع، لأنه فعلا هاذ الناس تيتسناو وتيترجاو واحد النهار حتى هما يتدمجوا ويكون عندهم الحق بحالهم بحال غيرهم، وخصوصا حيث تيكون تيشوفوا الإنجازات الكبيرة اللي كتدار في مناطق أخرى وتيحسوا بواحد الحيف، وهذا هو اللي تيخليهم أنهم تيحسوا بواحد النوع ديال التظلم.

لذلك، من موقعنا كبرلمانيين، هذا هو الدور ديالنا أننا نبلغو للحكومة وكذلك نلفتو الانتباه إلى هذه المواضيع.

شكرا السيد الرئيس.

السيد رئيس الجلسة:

شكرا السيد المستشار.

الكلمة للسيد الوزير في حدود ثواني معدودة.

السيد وزير السكني وسياسة المدينة:

وغيربسرعة، باش نقول أنني أتفق مع السيد المستشار.

هذه منطقة اللي معروفة القيمة ديالها، وبالتالي نجد فيها في وسط منها دواوير صفيحية، وهذا الأمر يتعين أن تكون هناك مبادرة محلية، أنا مستعد أن نساهم فيها من أجل أننا ذوك الناس نحيدوهم من تما ونسكنهم في ظروف لائقة.

السيد رئيس الجلسة:

شكرا السيد الوزير.

وشكرا له على مساهمته معنا في هذه الجلسة.

وننتقل إلى الأسئلة الموجمة للسيد وزير العدل والحريات، والسؤال الأول حول "ظاهرة زواج القاصرات".

الكلمة لأحد السادة المستشارين من فريق الأصالة والمعاصرة لتقديم السؤال.

المستشارة السيدة نجاة كير:

السيد الرئيس،

السادة الوزراء،

السيدات والسادة المستشارين المحترمين،

في الوقت الذي كنا ننتظر من مدونة الأسرة التي شكلت لحظة مفصلية في تحديث الأسرة المغربية أن تضع حدا لظاهرة زواج القاصرات، نسجل مع كامل الأسف استمرار منطق التسامح والتعامل المرن مع هذه الظاهرة، فقبول أغلب الطلبات هو ما يشجع على استمرار هذه المارسات خصوصا في العام القروي، إضافة إلى غياب معايير محددة لمنح الإذن بزواج القاصرات.

وعليه، نستفسركم، السيد الوزير، ما الذي قامت به الحكومة لمحاربة هذه الظاهرة؟

وشكرا.

السيد رئيس الجلسة:

شكرا السيدة المستشارة.

الكلمة للسيد الوزير للإجابة على السؤال.

السيد المصطفى الرميد وزير العدل والحريات:

بسم الله الرحمن الرحيم.

السيد الرئيس،

السيدة المستشارة،

أن تتزوج فتاة قاصر، فهذه ظاهرة اجتماعية لا أحد يمكن أن يعبر عن سعادته بها، لكنها ظاهرة اجتماعية وأقول معقدة، وإذا أردت أن تعرفي حجم تعقيدها فاسألي زملائك من مستشارين ومستشارات ستجدين أنه يمكن تكون هناك أجوبة مختلفة من مستشار إلى مستشار، من مواطن إلى مواطن.

لما تتزوج واحد الفتاة قاصر فلأنها تعيش في أسرة تتعاني من الهشاشة، تتعاني من مشاكل اقتصادية واجتماعية، لأنه تيطبق عليها واحد القانون مصادق عليه البرلمان، لأن واحد القاضي تيحكم بهذاك القانون.

وزير العدل والحكومة هي بمعنى من المعاني أجنبية عن الموضوع، وإلى بغيتو نقول لكم الحقيقة راه ماكاينش شي قانون غادي يمكن يحد من هاذ الظاهرة، لأن هاذ الظاهرة إلى مشى حتى تدخل القضاء وقال ب"لا" لطلب زواج، أنا أتساءل واش غادي تلقاوا هاذوك الآباء ديال هاذوك الولد وهاذيك البنت غادي يقولوا دامًا لكون القضاء قال لا، فنحن نقول لا، وضع حدا لهذا الزواج.

أم إنهم سوف يكرسون ظاهرة أخطر مما يمكن أن تشتكي منه السيدة المستشارة وهو ذاك الإذن، وهو أن نصبح يعني في زواج بدون إذن وخارج القانون مع ما يترتب عنه من أولاد، وجيبي ليا أنت الحل.

لذلك، قلت وأقول، لما كان هاذ الموضوع كيتناقش في المرحلة السابقة بمجلس المستشارين بناء على واحد المقترح قانون جات به إحدى الفرق العرانية.

قلت وأقول لكم هذا الموضوع ما غيحلو لا قانون، ما غيحلو لا قضاء،

غادي يحلوا الرفع من المستوى الاقتصادي والاجتماعي للأسر، وأيضا الرفع من مستوى وعي المواطنين، طالما ما مشيناش للعمق، راه احنا الآن غنتكلمو وقولي اللي بغيتي ونقول أنا اللي بغيت، ولكن تأكدي بأنه لن يتغير في هذا العام أي شيء ما لم ننفذ إلى عمق الأمور.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشارة السيدة نجاة كمير:

شكرا السيد الوزير.

في الحقيقة طرحنا هذا السؤال هو ما كيقللش من المجهودات ديالكم أو لا، ومتفقين معكم بأنه الموضوع أو المشكل تعدى كونه مشكل قانوني أو قضائي، بل هو مشكل واقع مجتمعي تحكمه العادات والتقاليد ومكانة الذكر والأنثى، بالإضافة إلى الفقر وعدم الاستقرار الأسري والأمان، إلى غير ذلك.

لكن، نعتبر للحكومة مسؤولية ثابتة، ليس في المشكل وإنما في إيجاد حلول ملائمة ومناسبة لمعالجة هذا الواقع المخجل، مع التغلب على العادات المترسخة لدى سكان بعض القرى بتوفير، ما نعرف، أعتقد برامج التوعية والتثقيف، عن طريق محاربة الأمية، باش حتى احنا نفسرو على الأقل نوصلو للعالم القروي، وخصوصا لأن هاذ الظاهرة منتشرة بشكل كبير في العالم القروي، نفسرو لهم ما مدى خطورة هاذ الزواج على القاصرات.

أضف إلى هذا، أننا مثلا بالنسبة أنه عايشنا هاذ الحالات بالنسبة لنا كأساتذة ديال التعليم الإعدادي، كنا كندخلو في بداية السنة كنلقاو عدد ديال الإناث في النهاية كنلقاو العدد قل، كنتساءلو، كنلقاو بأن العدد ديال هاذ الإناث علاش لأنهم تزوجوا، ويا ريث هاذ الزواج كان كينجح، ما كينجحش لأن ما كيتعداش 3 أشهر أو شهرين وكيفشل وكيتم الطلاق أو إلى غير ذلك، علاش؟ لأننا أشنو كتزوجو، أحنا ما كنشوفوش من المنظور ديال بالنسبة لنا ما بغيناش نحملو المسؤولية لبعضياتنا، وإنما ما بغيناش نبقاو واقفين كلنا مجموعين موقف ديال اللي كيتفرج، بغينا أننا كلنا نشوفو مثلا نتجاوبو، علاش؟

لأن عندنا احنا كنزوجو قاصر، هي طفلة، واش هاذ الطفلة مؤهلة بدنيا باش أنها تحمل أعباء الحمل، الولادة، الرضاعة ورعاية أطفال؟ هل هي مؤهلة فكريا وثقافيا لأن تكون عمودا فقريا لأسرة؟

أضف إلى هذا أن عندنا إحصائيات كتأكد بأنه، بصح أنه القضاة مازال كيرخصوا، وكتقول بأن وازدياد حالات زواج القاصرات غير من 2004 مثلا كنلقاو بأن عندنا 18 ألف حالة.

السيد رئيس الجلسة:

شكرا، شكرا السيدة المستشارة المحترمة.

والكلمة في إطار الرد على التعقيب للسيد الوزير في حدود ما تبقى له من وقت.

السيد وزير العدل والحريات:

أؤكد بأن نسبة زواج القاصر هي في تراجع وليس في ازدياد، وبالطبع لدي كافة المعطيات التي تؤكد ذلك، في 2011 كانت عندنا 39.031 حالة، هبطات في 2012 ل 34.166، وطلعات بنسبة 2.85 إلى ما مقداره 35.152 سنة 2013، هبطات سنة 2014 إلى 33.489.

إذن من 2011 كنا 39031، 2014 احنا في 33489، إلى قلت ليا الحكومة آش دارت؟

السيد رئيس الجلسة:

شكرا السيد الوزير.

شكرا على المعطيات التي قدمتها لنا.

والسؤال الثاني موضوعه "مآل إحداث محاكم متخصصة في القضايا الاجتاعية".

والكلمة لأحد السادة المستشارين من فريق الاتحاد المغربي للشغل لتقديم السؤال.

المستشارة السيدة وفاء القاضى:

السيد الرئيس المحترم،

السادة الوزراء المحترمون،

السيدات والسادة المستشارين المحترمين،

كنا ولازلنا نطالب في الاتحاد المغربي للشغل بإحداث قضاء اجتماعي مختص وتمكينه من الوسائل والإمكانيات الضرورية للبت في القضايا المعروضة عليه وفي آجال قريبة ومعقولة.

لذا نسائلكم السيد الوزير عن مآل إحداث محاكم مختصة في القضايا الاجتماعية؟

وشكرا.

السيد رئيس الجلسة:

شكرا السيدة المستشارة.

الكلمة للسيد الوزير.

السيد وزير العدل والحريات:

السيدة المستشارة المحترمة،

إحداث المحاكم كيفها كان نوعها سواء كانت محاكم ابتدائية، سواء كانت محاكم استئناف سواء، كانت محاكم متخصصة، إنما يتأسس على معطيات، وهاذ المعطيات أهمها هو حجم النشاط القضائي.

إذن إلى مشينا وشفنا حجم القضايا الاجتماعية في المحاكم غادي نلقاو بأنه في المحاكم الكبرى، غير الدار البيضاء اللي فيها بالفعل قسم اجتماعي، كما هو معروف، بل فيها محكمة اجتماعية أقول، فيها محكمة اجتماعية، غير الدار البيضاء تنلقاو بين 3000-4000 قضية في كل محكمة، بين 3000 و 4000 و فادي نقول حتى 5000 على أقصى تقدير، ما يمكنش نؤسس لها محكمة، لماذا؟ لأنه إلى درنا محكمة خاصكم تحاسبونا، لأن هذه موارد ديال الدولة، وهاذ الموارد ينبغي الحرص على ترشيدها وعدم إنشاء محاكم لمجرد أن هناك واحد الموضوع اللي وله أهميته وهو الموضوع الاجتماعي.

لأنه أيضاً ما مطروحش علينا فقط من يقول ويطالبنا بمحاكم اجتماعية، راه كاين اللي تيطلبنا حتى بمحاكم رياضية، كاين اللي تيطلبنا بأمور.

ولذلك في المقاربة الجديدة اللي اعتمدناها في مشروع قانون التنظيم القضائي المعروض على مجلس النواب، عندنا المحاكم المتخصصة في المادة التجارية غادي تبقى، وعندنا الأقسام الإدارية، لم .. الأقسام التجارية في الحالات اللي ما تيكونش عندنا واحد الحجم من النشاط يعنى القضائي الخاص.

إذن نفس الأمر بالنسبة للقضاء الاجتاعي، مادام ما عندناش حجم من مستوى الدار البيضاء أو قريب منه، فنحن نعتمد الآن ما يسمى بالغرف وهي غرف متخصصة، وتستطيع أن تقوم بواجبها على الوجه المطلوب. وشكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشارة السيدة فاطمة الزهراء اليحياوي:

السادة الوزراء،

السيدات والسادة المستشارون المحترمون،

نشكرك على الجواب السيد الوزير.

إلا أنه بالنسبة لي أنا التدخل ديالي غادي يكون ماشي تعقيب بقدر ما هو إضافات وتوضيحات اللي لابد من الإدلاء بها، خصوصا وأن دور القضاء كان ولا يزال يهدف إلى تحقيق العدالة بين الأفراد من جمة وبين الأفراد والمؤسسات من جمة ثانية.

إننا في الإتحاد المغربي للشغل نعتبر أن من أهم وظائف ومحام القضاء الاجتماعي هو توفير حماية قانونية للأجراء من جميع أشكال التعسف وإنصافه في حل نزاعات الشغل الجماعية، والتي تعتبر من أصعب وأخطر وأكثر النزاعات التي يعرفها عالم الشغل.

السيد الوزير،

والتي للأسف لا يمكن للآليات والأجمزة المتوفرة حاليا حلها، والتي تنتهي في غالبية الأحيان إن لم نقل في جلها بالفشل من طرف النزاع في

السيد رئيس الجلسة:

شكرا السيد الوزير.

للأسف أنه في حدود 3 دقائق.

وننتقل إلى السؤال الثالث وموضوعه "تطبيق العقوبات البديلة".

والكلمة لأحد السادة المستشارين من الفريق الاستقلالي لتقديم سؤال.

المستشار السيد عبد السلام اللبار:

شكرا السيد الرئيس.

السادة الوزراء المحترمين،

أخواتي المستشارات، إخواني المستشارين،

السيد الوزير، في إطار أو في خضم الثورة القضائية والتشريعات والاهتمام الذي توليه الحكومة إلى جسم القضاء ومعالجته وفق التصور الجديد، ألا ترون أنه أصبح من الضروري إيجاد حل للاكتظاظ داخل السجون بسن قانون العقوبة البديلة، وما لها من امتيازات؟ نظرا لأن الاكتظاظ داخل السجون له عواقب وخيمة، وربما لن تبقى العقوبة هو الحل، بقدر ما نزيد في الإجرام كلما ولج الجاني هذه المؤسسة السجنية، إذن ما رأيكم أو هل تفكر الحكومة في سن عقوبة بديلة؟

وشكرا السيد الوزير.

السيد رئيس الجلسة:

شكرا السيد المستشار.

الكلمة للسيد الوزير للإجابة على السؤال.

السيد وزير العدل والحريات:

الحكومة تشاطر السيد رئيس الفريق قلقه وقلقنا جميعا بشأن تضخم عدد المعتقلين وما يعانيه وتعانيه الدولة أيضا، وتعانيه أيضا المؤسسة السجنية من مشاكل.

إذا كان السؤال هو: ما هي جمودنا في إيجاد ما هو بديل للاعتقال الاحتياطي؟

أقول بأن ماشي فقط بذلنا مجهودات لإيجاد بدائل للعقوبات، عندنا الاعتقال الاحتياطي عندنا ليه بدائل، كاينة في مشروع قانون المسطرة الجنائية، وعندنا العقوبات عندنا لها بدائل في القانون الجنائي.

أنا أقول لكم يمكن لكم الإطلاع على النسخة التي وزعت على الحكومة هذا الأسبوع المتعلقة بمشروع القانون الجنائي، مشروع قانون المسطرة الجنائية سيوزع - فيما أعتقد - في الأسبوع المقبل، وستلاحظون أنه بالنسبة للاعتقال الاحتياطي في المسطرة الجنائية عندنا بدائل، ما كاينش فقط المراقبة القضائية والكفالة اللي هي حاجة اللي هي كانت - نقولو - موجودة، ولكن، عندنا أهم حاجة، وهي حمل سوار إلكتروني، وعدم مغادرة قطر معين، هذا بالنسبة للبديل عن الاعتقال الاحتياطي، واللي غادي

حلها أو يكون على حساب مصلحة الأجير، الحلقة الأضعف.

وهنا غادي نرجع للعدد اللي ذكرتوه، السيد الوزير، هذاك العدد لأن العال أو الأجراء لما تبمشيوا للمسطرة القضائية كيتواجموا بعدة عراقيل، الشيء اللي تيجعل أن الكثير منهم ما تيلجأش لهاذ القضاء الاجتماعي، لأنه في غالبية الأحيان لا ينصف أو لا يسمع إلى مشاكلهم.

وأمام حجم الملفات التي تهم نزاعات الشغل والضغط الكبير الذي تعرفه المحاكم العادية وبطء المساطر المعمول بها، وكذا الصعوبات التي تطال تنفيذ الأحكام القضائية التي يكون فيها الأجير أول المتضررين، وكذلك غياب الفعالية المطلوبة في النزاعات الشغلية، وأمام الاستعجالية التي يتطلبها هذا النوع من القضايا التي ترهن مئات، بل آلاف الأسر في مختلف مواقع العمل يوميا في القطاع الخاص، حيث الطرد التعسفي والتسريح الجماعي للعاملات والعال، أضحى ممارسة يومية والأمثلة كثيرة.

فمثلا الذي يقع أو وقع في مدينة طنجة على سبيل المثال، الطرد الجماعي الذي تعرض له عال شركة (Med Paper) مباشرة بعد تأسيس مكتبهم النقابي المنضوي تحت لواء الاتحاد المغربي للشغل، والذي نعتبره ضربا للحق النقابي المكفول دستوريا، التسريح الجماعي الذي طال عال شركة للحق النقابي المكفول دستوريا، التسريح الجماعي الذي طال عال شركة (APM³) بالميناء المتوسطي، ملف "مغرب ستيل" الذي أحيل على القضاء والذي يهم 620 عاملة وعامل مما يهدد المن والاستقرار الجماعي.

السيد رئيس الجلسة:

شكرا السيدة المستشارة المحترمة على المعلومات التي قدمتها. والكلمة للسيد الوزير فليتفضل مشكورا.

السيد وزير العدل والحريات:

شكرا وأنا بدوري أنوه بسؤالكم وبحرصكم السيدة المستشارة على أن يتمتع الأجراء بقضاء فعال ومنصف.

ولكن، أؤكد لك أنه بخلاف ما تفضلت به، حينما قلتي أنه في الغالب لا ينصف الأجراء، أنا أقول لك بحكم أنني كنت محامي وكنت كنشتغل على هذه المادة بكثافة، وأقول لكم أنه في الغالب يُنصف العال، لأن مدونة الشغل، صراحة، هي في الأساس قائمة على أساس إنصاف العال، نظرا لأنه مثلا في حالة الطرد، مثلا، وهي حالة اللي هي مطروحة بزاف، فكيعود واجب الإثبات على رب العمل بأن العامل يعني غادر العمل طوعيا.

إذن تم قلب عبء الإثبات تماما، وهذا اختيار على كل حال، وأنا أقول لك بأننا حريصين على إنصاف العال وأرباب العمل، لأن العدالة لا تشتغل في اتجاه واحد وانما تشتغل في ...

³ APM Terminals Tangier

يخلق واحد البديل اللي واقعي وممم.

بالنسبة لبدائل السجن، فهناك العمل من أجل المنفعة العامة، عندنا الغرامة اليومية، عندنا تقييد بعض الحقوق، فرض تدابير رقابية أو علاجية، عندنا الخضوع للعلاج، راه كاين هاذ الشي، وهاذ الشي غادي يجي، إن شاء الله، لكم، وغادي تطوروه بما ترونه ملائمًا وبما يتلاءم مع أحدث التشريعات.

ولكن أقول واحد الكلمة تكون واضحة، أيان أن نظن بأن هاذ البدائل، سواء كانت بدائل الاعتقال الاحتياطي أو بدائل العقوبات، ستحل مشكل الاكتظاظ داخل السجون.

أقول لا. الذي يحل ذلك هو سياسات، مرة أخرى، عمومية وتربوية تقلل من الجريمة التي تؤدي إلى الاعتقال، لأنه إلا كان هناك واحد المجرم خطير، راه ما غتمشيش تعطيه هاذ البدائل، لأنه سيبقى خارج السجن، وسيرتكب أيضا جرائم أخطر، وبالتالي من مسؤولية المحكمة أن تقرر ما هو ملائم للمجتمع، وما هو ملائم للمجتمع في كثير من الأحيان كيكون السجن، ككون أحيانا السجن، ولكن ليس دامًا، ليس دامًا.

وعلى كل حال، هاذ الشي راه غيجي عندكم، وأنتم ستقولون كلمتكم، ونحن معكم.

وشكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد السلام اللبار:

شكرا السيد الوزير.

أنا تنقول: "ربي السجن أحب إلي"، هاذ الآية القرآنية لقول الله الكريم العزيز الجبار أنها كلمة لها دلالتها، وأنا أقول: "ربي أبعدنا من السجن"، نظرا لتكاليفه الباهظة ولعواقبه الوخيمة على المجتمع.

فصحيح، راه كل ما اجتهدنا سوف لن نوقف الجريمة، السيد الوزير، ولكن أملنا، أمل المغاربة كافة، بأن نحد من الاعتقال الاحتياطي، نظرا لأن نصف المجرمين أو المتابعين اليوم راهم كلهم في الاعتقال الاحتياطي.

الآن، المؤتمرات الدولية كلها تحث دول العالم على الحد أو إيجاد عقوبة بديلة، نظرا للتكاليف ديالها، نظرا لأن حتى السجن في حد ذاتو لم يكن عقوبة بقدر ما أنه تربية، هذا إلى دخلنا في علم الاجتماع، ودخلنا في النفسية أن السجن لم يكن عقوبة بقدر ما أنها تربية. فهناك أساليب كثيرة يمكننا نسنوها، وليس هذا بعزيز على حكومتنا التي تعج بمفكرين في مختلف المجالات، خاصة في مجال القضاء.

فأملي كبير أن نكون أو أن نقتدي بالدول المتقدمة التي جعلت من العقوبة البديلة عقوبة زجرية للحد من الاكتظاظ.

الله الموفق السيد الوزير، وشكرا.

السيد رئيس الجلسة:

شكرا السيد المستشار.

السيد الوزير، إذا كان التعقيب ضروريا، ففي أقل من عشر ثوان.

السيد وزير العدل والحريات:

أقول للسيد المستشار المحترم بدائل العقوبات ستكون، ولكن تأكدوا أنه "ماكل ما يتمناه المرء يدركه، تجري الرياح بما لا تشتهي السفن".

للأسف، الجرائم كثيرة، والأمر يتعلق أيضا، تقتضي أحيانا اتخاذ قرار سيئ اللي هو اسميتو، قرار الاعتقال. شكرا.

السيد رئيس الجلسة:

شكرا السيد الوزير.

وأشكره على مساهمته معنا في هذه الجلسة.

وننتقل إلى السؤال الموجه إلى السيد وزير التعليم العالي والبحث العلمي وتكوين الأطر، وموضوعه "تأهيل الجامعات في مجال التحولات التكنولوجية على مستوى التجهيز والتكوين".

الكلمة لأحد السادة المستشارين من الفريق الاستقلالي لتقديم لسؤال.

المستشارة السيدة مينة عفان:

شكرا السيد الرئيس.

السادة الوزراء،

السادة المستشارين،

في إطار التطورات التكنولوجية الحديثة والمتجددة التي يعرفها مجال وثقافة المعلوميات، أضحت الجامعة المغربية وكل مؤسسات التعليم العالي مطالبة بمواكبة هذه التحولات المتسارعة على كافة الأصعدة لتحديث المناهج التعليمية المعتمدة وتأهيل برامجها.

لذا نسائلكم السيد الوزير: ما هي التدابير المتخذة لتطوير عمل الجامعة المغربية في مجال ثقافة المعلوميات، وكذلك البحث العلمي لجلعها في مصاف الجامعات الدولية المتقدمة؟

وشكرا السيد الوزير.

السيد رئيس الجلسة:

شكرا السيدة المستشارة.

والكلمة للسيد الوزير للإجابة على السؤال.

السيد لحسن الداودي، وزير التعليم العالي والبحث العلمي وتكوين الأطر: شكرا السيد الرئيس.

شكرا السيدة المستشارة.

شوف، احناكنخدمو بالمال دالمجتمع، غتشوفو الجامعات في أوربا واش غتلقاو فيها (le wifi) بالصبيب المرتفع في المحيط كلو ديال الجامعة، الآن الوثيرة ديال ما بقاش عندنا بديل إلا تأهيل الجامعة المغربية تكون قاطرة ديال الاقتصاد الوطني.

أنا نعطيكم مثال: مراكش حيدوا لها السياحة آش غادي يبقى؟ أكادير حيدوا لها السياحة؟ المدن فاس باش عايشين؟ لأن الجامعة ما مكوناش الأطر اللي تجلب الاستثمارات، وهاذ العدد اللي كنكونو ما بقاش كافي.

إذن تأهيل الجامعة غير المجلات العلمية 23 مليون درهم.

الآن الجامعات كلها يكون فيها (le wifi haut débit)، الدروس تكون في الإنترنيت، هاذ الشي معطى ماشي خيار، إلى بغينا البلاد تتقدم خاص الجامعة، إذن تنقولو للجهات خاصكم كذلك تدعموا الجهات، مشيت لفرنسا غير ناحية "تولوز" ذاك الشي اللي كتعطي الجهة للجامعة أكثر من ذاك الشي اللي كتعطيه الدولة، لأن كيعرفوا الجهة، أصحاب الجهة كيعرفوا بلي إذا تمشت الجامعة ديالهم غادي يكون نمو في الجهة، الآن كتجي عند المنتخبين تيحسب لك 2 ريال 3 ريال، بغاوا ينميوا الجامعات تنميوا البلاد، ماشي غير الدولة فقط، خاص المنتخبين كذلك يتعاونوا مع الجامعة، الموارد ماشي غير للموارد، هاذ الموارد اللي كندفعو عمرها ما كانت، وليني ما كافياش، لأن خاصنا نبنيو في كل جمات المغرب.

إذن هذا المعطى احناً كنأهلو الجامعة المغربية، ولكن الوثيرة باش كنأهلوها الغرب كيمشي ب 100 في الساعة، احنا كنمشيو ب 60، إذن الهوة كنتوسع، إذن خاصنا نتعاونو في هاذ الشي.

شكرا.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد السلام اللبار:

شكرا السيد الوزير.

كنظن أن انفعالكم كيعبر لي أو كيعبر للمشاهدين والإخوة المستشارين في هاذ القاعة، انفعالكم والقوة الاندفاعية باش كتجاوبونا، كنعرفو أنكم عندكم واحد الغيرة، سيما وأنتم رجل الميدان.

غير أن الإصلاحات التي نراها اليوم، السيد الوزير، صحيح هي إصلاحات مشجعة، لكننا كمغاربة، كطموح، لابد وأن نسعى إلى ما هو أكثر، حتى لا نكون من الناس الذين يبخسون الأمور أو الاجتهادات.

نحن نؤكد ونقر أن هناك اجتهاد، هناك تحفيز للطلبة، هناك امتيازات، يمكننا أن نتابع الدروس عن بعد، يمكننا ويمكننا أن نلج المحتبرات بطريقة سهلة ونشارك ونساهم في إجراء العمليات، هذا شيء محمود.

غير أننا شعب فقير، وغالبا الناس أو الطلبة الذين يلجون إلى

المؤسسات التعليمية، خاصة التعليم العالي وخاصة منهم الشعب العلمية، هاذو ناس من ذوي الدخل المحدود، السيد الوزير.

خاصنا نجتهدو أكثر حتى (tablette) اللي ديتيوها رهن إشارتهم، حتى الصبيب ديال (le wifi) راه هاذ الشي ماكافيش، تيخصنا مساهمة الدولة باش تزيد تشجع البحث العلمي وتشجع أبناء الفقراء للتحصيل.

هذا لا يعني أن ما كاينش تشجيع باش ما تبقاش تقول لي: "وقول باز"، أسيدي، على المجهودات، غير أنها تبقى غير كافية.

شكرا السيد الوزير.

شكرا السيد الرئيس.

السيد رئيس الجلسة:

شكرا للسيد المستشار المحترم.

والكلمة للسيد الوزير للرد على التعقيب.

السيد وزير التعليم العالي والبحث العلمي وتكوين الأطر:

شكرا.

أنت راك كتجي عندي للمكتب عارف أشنو كاين. الآن نعطيكم خبر، راه ربما أعطيتو لكم، راه اكتشفنا في المغرب "بكتيريا" حتى هي من "آيت عطا"، لأن من جمة مرزوكة، الناموس ما يمكنش يقرب 20 سنتيم من النسيج، وهاذ النسيج كيتوجد الآن ببلجيكا، اللي لبسو 20 سنتيمتر ما يمكنش يقرب لو الناموس. هذا البحث ديال المغرب، أعباد الله، هي اللي تحل مشكل "زيكا" وغيرو المشاكل اللي في إفريقيا والبرازيل.

الناس ديالكم خدامين، المقاولات جاية تستثمر في البلاد، الجودة كاينة، غير المشكل خاصني نوسع الجودة للطلبة كلهم، عندي الجودة في المدارس التكنولوجية، عندي الجودة في مدارس كلية الطب، عندي الجودة في المهندسين، الآن خاصني نمشيو لكلية العلوم، كلية الآداب وكلية الحقوق حتى هي نوفرو ليها الشروط، ولكن هاذ الشي - كما قلت لكم - 332 ألف طالب اليوم عندو منحة، كانت 182 ألف، كانت 700 مليون، ولت 2 ديال المليار، أعباد الله.

احنا كنوجدو الموارد، ولكن لي صبيت.. واش غير وزارة التعليم، ولاوا تيقولو واش غير التعليم اللي كاين؟ راه الوزارات كلها بغت، ولكن خاص المنتخبين يعاونوا، ما يمكنش المنتخبين ما يتحملوش المسؤولية معنا، هاذو أولاد المنتخبين، أولاد القبايل ديالهم، أولاد المدن ديالهم، وما يمكنش ما يدعموش الجامعة.

شكرا.

السيد رئيس الجلسة:

شكرا للسيد الوزير.

وننتقل إلى السؤال الموالي، وموضوعه "هجرة الكفاءات الوطنية".

والكلمة لأحد السادة المستشارين من فريق الأصالة والمعاصرة، لتقديم

السؤال.

المستشار السيد عابد شكيل:

شكرا السيد الرئيس.

السادة الوزراء،

السيدة .. أنا معك دامًا.

السيد الوزير،

تشكل ظاهرة هجرة الأدمغة أبرز التحديات المستقبلية لدول الجنوب الراغبة في اللحاق بركب التقدم والتطور، والأدهى في ذلك أن القطاعات الحساسة التي يعرف المغرب فيها مشاكل كبيرة، كقطاع الصحة والتعليم والسكنى، لذا تحتاج بلادنا في حالات كثيرة إلى استيراد الخبراء الأجانب بعقود باهظة لإنجاز الدراسات والأبحاث في مختلف المجالات.

نسائلكم، السيد الوزير:

هل تتوفر الحكومة على إستراتجية واضحة المعالم لوقف نزيف استنزاف الكفاءات الوطنية؟

ما هو موقع العلمي وتشجيع الكفاءات في سياستكم التعليمية؟

كيف تواجمون إستراتجية الإغراء والامتيازات التي تقدمما بعض الدول لاستقطاب هذه الكفاءات؟

ومتى سيتم إعادة الاعتبار لنخب ومثقفي هذا الوطن ومنحهم وضعهم الاعتباري وتحسين مستوى دخلهم؟6

والسلام عليكم.

السيد رئيس الجلسة:

شكرا السيد المستشار.

الكلمة للسيد الوزير للإجابة على السؤال.

السيد وزير التعليم العالي والبحث العلمي وتكوين الأطر:

هاذ السؤال كان خاص يتحط هاذي خمس سنين، أيام زمان، أما دروك هاذ السؤال ما بقاش ذي جدوى.

نقول لكم، الآن غير من 2013 ل 2014 عدد أيام الخبرات ديال المغاربة اللي برا تزاد بأكثر من 100%، احنا الآن حاطين مغربي خدام في ميريكان، عندو مانضة في ميريكان، كنستقبلوه، ممكن يبقى من أسبوع حتى ل 6 أشهر، 22 ألف درهم للشهر، هاذ الشي ما كانش، احنا دايرين ميزانية لهاذ الشي، والمغاربة راه ما كيحرقش المغربي، راه في ميريكان وتيجي عندنا كيقول لنا أشنو؟ باغي نعاون بلادي، هاذ التخصصات كلها اللي فتحناها، التربات النادرة مثلا (les terres rares) باش فتحناها؟ بالتعاون مع هاذ المغاربة.

في هاذ (l'appel à projets) اللي عملنا في الفوسفاط 29 دولة شاركت معنا من جنوب إفريقيا، الولايات المتحدة، كندا، دول أوروبية

حتى الهند، بشكون؟ المغاربة اللي عندنا تمايا، المغربي تيبقى مغربي دامًا. راه غنى وجاي كيجي تيقول لك: أش نعطى لبلادي؟

إذن ردوا البال، ماشي كلشي خاص يبقى حدايا هنا، خاص يكونوا في المختبرات، ميريكان، ويدي الطلبة ديالي تما، يتدربوا ويجي، خاص المغربي اللي برا يكون بحال (la batterie)، تيتشارجا تما ويجي يخوي عندي في الجامعة ديالي، هذا هو اللي خاصي نخدم معه، ماشي أجيوا هنايا. ها هو جا هنا أشنو غنعطيه؟ راه هذا واخذ كإستراتيجية ديال نستفدو منهم، دروك عندي ناس في اليابان، عندي ناس في.. كلهم تيعملوا مع المغاربة مع الجامعات المغربية، إيوا قولوا باز.

السيد رئيس الجلسة:

شكرا السيد الوزير.

الكلمة للسيد المستشار المحترم في إطار التعقيب.

المستشار السيد عابد شكيل:

السيد الوزير، باز، ولكن راك واجبتي على راسك، يعني هاذ الكفاءات ها هيايا ما عندك ما تعطيها، أنت نتهضر بأنك ما تعطيها، ولكن هاذ الكفاءات مزيان، واحد الطرف يكون تيعمل في دول أخرى، ولكن الطرف يكون هنا داخل البلاد، حتى بلادنا محتاج بأنه تخرج منها هاذيك الأشياء اللي بغينها احنايا تصيفطوها لدول أخرى، ماشي نجيبوها احنايا من دول أخرى، كل.. أنت لو كنت، السيد الوزير، وها أنتيا دابا مالك ما مشيتيش تخدم في الخارج؟ مالك هنايا؟ لأنك تتفضل تخدم في بلادك.

حتى هذوك الناس اللي هما مضطرين باش جالسين برا، هذوك اللي تتقول راك تتعاون معهم هما مضطرين باش جالسين، السيد الوزير، برا، ما كرهوش باش يجيوا يعيشوا في الوطن ديالهم، ويعيشوا في بلادهم.

لذا تيخص، السيد الوزير، نحاولو بجميع الوسائل ديالنا باش نخلقو ما يمكن يحتاجوه هاذ الناس باش يعملوه هنا في بلادهم، ويبادروا في بلادهم، واللي غادي يخرجوه غادي يخرجو في بلادهم، وغادي يمكن لنا احنايا نبيعوه للأسواق الأخرى اللي هي بجانبنا وهي بحاجة إلينا، ماشي نبقاو احنايا تنجيبو من برا، السيد الوزير.

أنت اعترفت، تتقول بأنه ما عندي ما ندير بهم هنا، ولكن همايا لا تسألش، السيد الوزير، يمكن أنت تيجاملوك، ولكن برا، وعندنا في الأحزاب السياسية تيقول لك: احنا ما كرهناش نجيو نعملو في بلادنا، وإلى بغيتهم نجيبهم لك، ألسيد الوزير.

وشكرا.

السيد رئيس الجلسة:

شكرا السيد المستشار المحترم.

والكلمة للسيد الوزير للرد على التعقيب.

السيد رئيس الجلسة:

شكرا السيد المستشار.

الكلمة للسيد الوزير للإجابة على السؤال.

السيد عبد القادر اعمارة وزير الطاقة والمعادن والماء والبيئة:

شكرا السيد الرئيس.

شكرا السادة المستشارين المحترمين.

أولا، بغيت غير نعاود نذكر لأن هذا واحد السؤال يطرح بشكل مستمر، أن ما تحقق في بلادنا شيء محم جدا لأن الآن تشكلمو على تقريبا تغطية ديال 99.18%، هاذ الجهد هذا هو واحد الجهد اللي تدار على مدى 20 سنة، وهذا تيبين أنه فعلا بلادنا أخذت فيه واحد المسار جيد، وحتى بالمقارنة مع ما هو موجود في دول أخرى.

المشكل هو أننا مللي وصلنا لهاذ النسبة ما تبقى هو سيكون صعبا، لأنه مرتبط بواحد الوضع اللي وزارة الطاقة والمعادن ليست مسؤولة عنه لأنه مرتبط بالشتات اللي تتعرفو البوادي المغربية.

ولكن مع ذلك، الآن اللي عندنا مبرمج:

- 355 دوار توجد قيد الإنجاز في إطار صفقات؛
- 38 دوار مدرجة في إطار صفقات توجد قيد التوقيع؛
- 113 دوار مدرجة في إطار طلبات عروض أثمان توجد حاليا قيد التقييم التقنى والمالي؛
- و45 دوار مدرجة في إطار طلبات عروض أثمان في طور الإعلان؛
- و725 دوار مدرجة في إطار اتفاقيات تمت المصادقة عليها من طرف المديرية العامة للجهاعات المحلية أو توجد قيد المصادقة من طرف هذه المديرية.

وعندنا دواوير مبرمجة للتجهيز بالألواح الشمسية، فيها تقريبا 940 دوار تابعة ل 246 جماعة ترابية، وتهم 106.000 نسمة، وتيتألف كل نظام شمسي منزلي من ألواح تبلغ الطاقة ديالها 290 واط، قادرة على شحن بطاريتين بطاقة تكفي لمدة أربعة أيام، وسيتم توزيع ثلاجة وثمانية مصابح موفرة للطاقة على كل منزل مستفيد، وهذا المشروع يهدف إلى تخفيف العبء على الساكنة المستهدفة، لأنه احنا تنتكلمو على واحد 30 درهم للشهر الواحد طيلة فترة الضانة والخدمة المحددة في 10 سنوات، هاذ الشي غيوصلنا لواحد النسبة ديال 99.72% وهي نسبة عالية جدا.

بطبيعة الحال، هناك بعض المناطق فيها إشكالات، وأنا أعيد ما أقوله دائما، بعض المناطق اللي فيها إشكالات اللي مرتبطة بالمكتب الوطني للكهرباء والماء الصالح للشرب أنا مستعد نستمع لها، لكن هناك أطراف أخرى في الموضوع، وأنت تعلم ذلك السيد المستشار.

شكرا السيد الرئيس.

السيد وزير التعليم العالي والبحث العلمي وتكوين الأطر:

فين هاذ الأحزاب؟ كاين شي أحزاب؟ أنا عارفهم هاذو. شوف ما توصينيش ملي يقول لك آش نعطيهم خدامين في مختبرات، في مختبرات اللي ما عنديش، خاصو يمشي يتعلم تما. واش هذا حرفتنا؟ راه احنا عارفين، راه احنا خدامين مع هاذ الناس.

إذن تنقول لك: البحث العلمي تبتعاونوا معنا في البحث العلمي، تبديوا لنا الطلبة اللي تيسويوا الدكتوراه تيمشي عندو المختبر تما باش يدخل ذاك المختبر تما.

راه إستراتيجية، واش فرنسيين دروك بقاوا غير في فرنسا؟ سبليون بقاوا غير في سبليون؟ راهم في الدول في العالم كلو، راهم في اليابان راهم في ميريكان.

قل لي ما تتنتجش ما يكفي، خاصني نكثر من هاذ النوع من.. كلية الطب الآن أشنو كنتوا قلتم؟ مثلا في 2012 كانوا 5 دالكليات الطب، في هاذ العهد تزادت 5 أخرى مضوبلة، أكادير، العدد ديال الأساتذة ضاعفناه بجوج، العدد ديال المقاعد زايد 100%، احنا تنبنو تنوجدو وعندنا الامتياز (la bourse) ديال الامتياز، عندنا الآن التعاقد مع الكليات باش.. ما نعرف واش اقتنع هذا ولا والو.

السيد رئيس الجلسة:

شكرا، شكرا السيد الوزير المحترم.

واصافي، هو راه قال لك باز، راه قال لك باز.

شكرا، السيد الوزير، على مساهمته معنا في هذه الجلسة.

وننتقل إلى السؤال الموجه للسيد وزير الطاقة والمعادن والماء والبيئة وموضوعه "تعميم الكهربة القروية".

والكلمة لأحد السادة المستشارين من فريق العدالة والتنمية لتقديم السؤال.

المستشار السيد مبارك جميلى:

السيد الرئيس،

السادة الوزراء،

السيدات والسادة المستشارين المحترمون،

السيد الوزير،

بالرغم من المجهودات التي بذلتها لنا الحكومة، خصوصا في قطاع الطاقة والمعادن لتعميم الكهرباء على المجال القروي، حيث بلغت نسبة هاذ التغطية في حدود 95% إلا أن هناك بعض المناطق بعض الدواوير لازالت تنتظر أن تشملها وأن تصلها هذه التغطية.

فماذا أنتم فاعلون؟

شكرا السيد الوزير.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشار السيد عبد السلام سي كوري:

شكرا السيد الرئيس.

السيد الوزير المحترم،

تنشكروكم على الجواب ديالكم والتوضيحات ديالكم.

في البداية كنوهو بالمجهودات اللي كتبذلها الحكومة لتعميم الكهرباء على القرى والدواوير المتبقية.

السيد الوزير،

لقد اقتربتم من كسب الرهان ديال التعميم، اتخذتم واحد المجموعة ديال القرارات شجاعة وجريئة اللي كتتعلق بالمكتب الوطني للماء والكهرباء، اللي كان على حافة الإفلاس وتحملتوا المسؤولية ديالكم، وكنتم فعلا رجال دولة، بحيث أنكم أنقذتم المكتب الوطني للماء والكهرباء اللي كان ربما حتى المجال الحضري ما غاديش نلقاو فيه الكهرباء.

اليوم هاذ الإنقاذ ديال المكتب الوطني للماء والكهرباء غادي يمكننا فعلا باش نستثمرو في المجال القروي وباش نعممو الكهرباء على الدواوير المتبقية. القرار الثاني هو التحرير ديال الأسعار ديال المحروقات، هاذ القرار كذلك الجريء مكن الدولة باش توفر واحد العدد ديال الأموال، الملايير ديال الدراهم واللي واحد الجزء منو مشي للصندوق ديال التنمية القروية،

واللي واحد الجزء منو غادي يمشي للكهربة ديال الدواوير. إذن، احنا يمكن نقول كسبنا الرهان ديال التعميم بفضل هاذ الإجراءات الشجاعة والقوية، كذلك التوجه ديالكم نحو الطاقات المتجددة، بحيث أنكم استثمرتوا أموال كثيرة جدا في هاذ الاتجاه، وبالتالي هذا غادي يعطينا باش نحقو هاذ الرهان.

بقى، السيد الوزير، بعض الإشكالات اللي شرتوا لها واللي كتتعلق - يمكن نعتبروها معيقات - واللي كتتعلق بالمشاكل ديال الربط بسبب بعض المشاكل ديال البناء في المجال القروي أو بسبب التعقد ديال المساطر، كذلك بعض المرات كيكون الضعف ديال الصيانة تيتسبب في الإنقطاعات المتكررة، وكذلك استثناء بعض المنازل اللي كتقولوا بعض الدواوير كتكون مشتة ويصعب الوصول إليها.

احنا كنتمناو باش هاذ المشاكل تتعالج باش، إن شاء الله، نكسبو هاذ الرهان ديال التعميم ديال الكهرباء على جميع الدواوير والقرى المتبقية. وشكرا لكم.

السيد رئيس الجلسة:

شكرا السيد المستشار المحترم.

والكلمة للسيد الوزير للرد على التعقيب.

السيد وزير الطاقة والمعادن والماء والبيئة:

السيد الرئيس،

أنا تنثمن الكلام ديال السيد المستشار، هو في الحقيقة من غير المكتب الوطني، كون ما كانتش عندنا هاذ المؤسسة الإستراتيجية اللي غنحافظو عليها واللي - كما تفضلت - أنقذتها الحكومة من الإشكالات ديالها، ماكانش ممكن نوصلو لهاذ المستوى ديال التعميم، لكن أنا بغيت غير نأكد راه ما تبقى سنعممه بإذن الله.

دابا غير خاص واحد المجموعة دالإشكالات تتحل، لأن كاين عندنا بعض المنازل اللي الكلفة ديال الربط ديالها مبالغ كبيرة جدا قد تصل إلى 500 ألف درهم، فلهذا خاص يتلقى واحد التوليفة مناسبة باش يولي التعميم، إن شاء الله، 100% بالنسبة للملكة المغربية كلها.

شكرا السيد الرئيس.

السيد رئيس الجلسة:

شكرا السيد الوزير.

السؤال الثاني موضوعه "مآل مشروع القانون الأساسي لموظفي المركز الوطني للطاقة والعلوم والتقنيات النووية".

الكلمة لأحد السادة المستشارين من مجموعة الكونفدرالية الديمقراطية للشغل لتقديم السؤال.

المستشار السيد المبارك الصادي:

شكرا السيد الرئيس.

السيد الوزير،

السادة الوزراء،

السيدات والسادة المستشارين،

السيد الوزير،

منذ إنشاء المركز الوطني للطاقة والعلوم والتقنيات النووية سنة 1986 لازال موظفو المركز يسيرون بنظام مؤقت، في غياب قانون أساسي خاص

أمام هذا الوضع الغير الطبيعي، نسائلكم، السيد الوزير، مرة أخرى عن مآل مشروع القانون الأساسي لموظفي هذا المركز؟. وشكرا.

السيد رئيس الجلسة:

شكرا السيد المستشار المحترم.

الكلمة للسيد الوزير للإجابة على السؤال.

السيد وزير الطاقة والمعادن والماء والبيئة:

شكرا السيد الرئيس.

شكرا السادة المستشارين.

عطفا على السؤال اللي كنت جاوبت عليه هاذي أسبوعين بالضبط من طرف أحد الفرق المحترمة، قلت بأننا بصدد وضع اللمسات الأخيرة على واحد الاتفاق اللي غيحل هاذ الإشكال.

ما ننساوش بأننا تنتكلمو على نظام أساسي الذي عمر 30 سنة، وهاذ الحكومة في 2012 هي اللي حركت الملف، وأنا عندما تكلمت قلت بإذن الله غنحلوه.

أشىنو اللي كاين؟ الاتفاق يهدف إلى ماذا؟

أولا إدماج مستخدمي المركز الحاصلين على شهادة الدكتوراه في النظام الأساسي للباحثين، وهاذو غادي يستافدوا، وهاذو العدد ديالهم 25200 غيستافدو تقريبا من أجور شهرية تتراوح بين 14600 درهم و25200 درهم، ومن بعد إعادة الترتيب ديالهم غتكون عندهم زيادة شهرية تقريبا ما بين 1300 درهم و5900 درهم؛

إدماج المستخدمين الحاصلين على دبلوم محمندس تطبيق أو دبلوم محمندس ديال الدولة بشأن النظام الأساسي الخاص بهيأة المهندسين، هاذو العدد ديالهم 22، والزيادة غادي تكون ما بين 2000 درهم و7000 درهم من بعد ما يترتبوا في هاذ النظام، وإدماج باقي المستخدمين بطلب منهم في باقي الهيئات المشتركة بين الوزارات، سواء كانوا متصرفين، تقنيين، محررين، مساعدين تقنيين، إداريين.. إلى غير ذلك، على أن يستمر المستخدمون الذي لم يتم إدماجهم بإحدى الهيئات المشار إليها خاضعين لمقتضيات النظام الأساسي المعمول به حاليا، والمحافظة على هذا النظام الداخلي المؤقت حتى نهايته بالنسبة للفئات التي لا ترغب في الالتحاق بنظام الوظيفة العمومية، وذلك لمدة 6 أشهر بعد دخوله حيز التطبيق وتغطية الفرق ديال الراتب للموظفين الذين قد تعرف رواتبهم تراجعا بعد ودماجهم في النظام الجديد.

والتوظيفات التي ستتم مستقبلا ستتم وفق هذا النظام الجديد.

شكرا السيد الرئيس.

السيد رئيس الجلسة:

شكرا السيد الوزير.

الكلمة لأحد السادة المستشارين في إطار التعقيب.

المستشارة السيدة رجاء الكساب:

شكرا السيد الرئيس.

شكرا، السيد الوزير، على هذا الجواب.

السيدات والسادة المستشارون المحترمون،

في الحقيقة، فعلا تمت الإجابة على هذا السؤال منذ 3 أسابيع تقريبا في معرض جواب السيد الوزير على سؤال إحدى الزميلات المستشارات، ولكن قال لنا آنذاك السيد الوزير بأن الموضوع فعلا قيد الدراسة في وزارة المالية وهو في يعنى اللمسات الأخيرة، (les dernières étapes)، ولكن

للأسف المعطى الجديد هو اليوم تم الإتصال بالمكتب النقابي ديال الكونفدرالية الديمقراطية للشغل داخل المركز، وتم إخبارهم بأن وزارة المالية لم تعد ترغب في إخراج هذا النظام الأساسي للوجود، بذريعة أن المكتب المعني راسل الوزارة وبحال إلى ما باغينش هذا النظام.

في الحقيقة المكتب راسل الوزارة لأن كاين واحد التعتيم حول اللمسات الأخيرة ديال هاذ المشروع، يتم الكلام - فعلا كما قال السيد الوزير - واحد المجموعة ديال الفئات غادي تخضع للأنظمة الأساسية المشتركة بين الوزارات، وخاصة المهندسين والباحثين حاملي الدكتوراه، ولكن باقي الفئات غادي تضرر فعلا وهي الفئة العريضة، غادي تتضرر فعلا، خصوصا أن من بعد ما داروا (une simulation) الإخوان في المركز لقاوا بأن غادي تكون فعلا هاذ الناس اللي غادي يحتفظوا بالنظام الحالي، بعد واحد المجموعة ديال السنوات غيتم الإجماز على واحد المجموعة ديال المكتسبات ديالهم، خصوصا فيما يخص الترقية وباقي المكتسبات، وفي نفس الوقت ديالمم، خصوصا فيما يخص الترقية وباقي المكتسبات، وفي نفس الوقت الناس الجدد غادي يتم توظيفهم في إطار الأنظمة الأساسية المشتركة بين الوزارات.

إذن كاين هذا المعطى هذا ما عرفناهش، واش فعلا تم تجميد هذا المشروع؟

ثانيا، من كلام السيد الوزير ما عرفناش بالضبط بالنسبة للفئات الأخرى ما كنتكلموش على المهندسين وحاملي الدكتوراه، بالنسبة للفئات الأخرى كاين واحد الشوية ديال الضبابية، ما فهمناش، من يرغب 6 شهور.. في الحقيقة كنطلبو المزيد من الإيضاحات، لأن فعلا الموضوع غير مفهوم.

وشكرا.

السيد رئيس الجلسة:

شكرا السيدة المستشارة.

والكلمة للسيد الوزير للرد على التعقيب.

السيد وزير الطاقة والمعادن والماء والبيئة:

هو، السيد المستشارة، ما كاين لا تعتيم لا حتى شي حاجة، أنا كنت واضحا، قلت بأننا تنوضعو اللمسات الأخيرة باش نلقاو الحل، دبا أنا هاذ الإشكالية ديال النقابات وهذاك الشي أنا مبغيتش ندخل فيه، كل نقابة مسؤولة على ذاك الشي اللي تدير، تراسل ما تراسلش هذاك الشي شغلها. أنا قلت بأننا سنجد حلا، راه احنا، السيدة المستشارة، تنتكلمو على نظام اللي بقى 30 سنة، واش بغينا نحلوه ولا ما بغيناش نحلوه؟ هاذو 260 موظف احنا بغينا نحلو لهم المشكل لأن كاين حيف عندهم.

الآن التعبيرات التي تستعمل كانت خارج السياق ديالها، ما كاين حتى شي واحد غيضيع في هاذ النظام، كاين دكاترة غادي تتحسن لهم الوضعية، كاين باقي المستخدمين غادي كاين معندسين غادي تحسن لهم الوضعية، كاين باقي المستخدمين غادي

الكلمة للسيد الوزير في إطار الجواب.

السيد أنيس برو، الوزير المكلف بالمغاربة المقيمين بالخارج وشؤون الهجرة: شكرا السيد الرئيس.

شكرا السيد المستشار المحترم على هاذ السؤال اللي محم جدا واللي جا كذلك في وقتو.

كتعرفوا بأن المشاكل ديال.. المشاكل ماشي فقط المشاكل، المشاكل والانتظارات كذلك والطموحات ديال المغاربة في الخارج والرغبة ديالهم كذلك متنوعة، وتنوجدوها في قطاعات مختلف.

الوزارة ديال الجالية الدور ديالها هو التنسيق، هو التحريك، هو اللي تيحمل الصوت ديال المغاربة في الحارج لهاذ القطاعات كلها، هاذ الشي علاش تدارت واحد اللجنة وزارية اللي فيها عدد من القطاعات، اللي الدور الأساسي ديالها أنه فيها تنحطو المشاكل اللي كاينين وأشنو تنتظرو؟ والدور ديال كل واحد والمسؤولية ديال كل واحد، وآليات التتبع والالتزامات ديال كل قطاع قطاع، هاذ اللجنة هي اللي خلتنا أنه نديرو الديمومة ملي يجيوا المغاربة في الحارج، هاذ اللجنة هي اللي خلتنا تتفرع على اللجن متعددة عندنا لجنة خاصة مع وزارة العدل، لأن عدد المشاكل ديال المغاربة مع وزارة العدل، من تم تفرعت كذلك لجنة تقنية مع وزارة الداخلية، مع الحارجية، مع المحافظة العقارية، وبالتالي تنحاولو لكي نتتبع نقطة بنقطة، فين وصلنا، ولندق الناقوس ديال الحطر الحواج اللي ما رصينا فيهم، ما يتعلق والاستثار، ما يتعلق بالاستقبل ديالهم، بالمستقبل ديالهم، بالمستقبل ديالهم،

واش نجحنا 100%؟ نقول لك لا، واش نجحنا وصلنا للمستوى ديال الطموح ديالنا؟ نقول لك لا، لأن الطموح ديالنا أكبر من ذاك الشي اللي وصلنا لو، ولكن اللي يمكن لنا نقول لك راه حركنا تحركت الآليات، واللي نقول لك كذلك بأن الإرادة الصادقة عند جميع المؤسسات وجميع الوزارات باش تخدم الجالية المغربية، هاذي هي الحقيقة وبالتالي الرغبة كاينة والإرادة كاينة، والحمد لله راه تقدمنا في عدد من المجالات.

شكرا.

السيد رئيس الجلسة:

شكرا السيد الوزير.

الكلمة لأحد السادة المستشارين من الفريق الاستقلالي في إطار التعقيب.

المستشار السيد النعم ميارة:

شكرا السيد الوزير.

غير هو الحق لمغاربة الخارج علينا كاملين، وهذا كنساءل به الجميع، هو بعدا ذاك الحق ديالهم في ولوج المؤسسات التمثيلية، البرلمان، وهذا كنتساءلو فيها احنا جميع، قبل ما نتكلمو على المشاكل كتعني الوزارات

يبقاوا في إطار النظام المؤقت اللي هاذ النظام المؤقت في صالحهم بالنسبة للوظيفة العمومية حاليا، وهاد الشي معروف.

الآن، هناك بعض الإشكالات نحن بصدد حلها، هاذ القضية ديال الترقية علما بأن ما غيكون عندها حتى شي أثر في 10 سنين و15 سنين المقبلة.

طبيعي أنه لما غيدخل النظام الأساسي الجديد الناس اللي غادي يدخلو ل (CNESTEN⁴) من بعد غيدخلوا في إطار النظام الجديد، نحن نتحدث عن هؤلاء في إطار حل الإشكالات ديالهم، لأنه التوحيد ديال الأنظمة في الوظيفة العمومية هذا ما فيهش نقاش بطبيعة الحال.

شكرا السيد الرئيس.

السيد رئيس الجلسة:

شكرا السيد الوزير.

وشكرا له على مساهمته معنا في هذه الجلسة.

وننتقل إلى السؤال الموجه للسيد الوزير المكلف بالمغاربة المقيمين بالخارج وشؤون الهجرة، وموضوع السؤال "ضرورة تعزيز الشراكة مع مختلف القطاعات الحكومية لحل مشاكل المغاربة المهاجرين".

الكلمة لأحد السادة المستشارين من الفريق الاستقلالي لتقديم لسؤال.

المستشار السيد النعم ميارة:

السيد الرئيس،

السادة الوزراء،

السيدات والسادة المستشارين المحترمين،

السيد الوزير،

تعاني الجالية المغربية بالخارج من مشاكل، سواء في داخل أرض الوطن أو خارج أرض الوطن، وإذ ننوه بالمجهود الذي قتمتم به مؤخرا فيما يخص حل مجموعة من الإشكاليات خارج أرض الوطن، إلا أنه يبقى المشكل الأساسي هو في مدى تقاطع السياسات الحكومية داخل أرض الوطن فيما يخص معالجة مجموعة من المشاكل حين عودة المهاجرين، خاصة فترة العطل ديالهم.

يتعلق الأمر بمجموعة من القطاعات الوزارية واللي كاينة لجنة مختصة في هذا الموضوع، ولكن عمل هاذ اللجنة نسائلكم عن طبيعة عمل هذه اللجنة، مدى نجاعة هذه اللجنة في حل الإشكالات الخطيرة اللي كتعاني منها الجالية حين عودتها إلى أرض الوطن في مجموعة من المشاكل.

شكرا.

السيد رئيس الجلسة:

شكرا للسيد المستشار المحترم.

⁴ Centre National de l'Energie, des Sciences et des Techniques Nucléaires

خاصة، وهذا مشكل كبير وخاصنا نعملو عليه كاملين من أجل إخراجو واحنا على أبواب الإنتخابات النيابية.

فيما يخص على مستوى الأقاليم باقي التنسيق ضعيف، السيد الوزير، خاصة في المسائل اللي كتعني العقار وكتعني هاذ الشي ديال الحالة المدنية، باقي التنسيق قليل، أنا كنتمنى على أنه نمشيو أبعد ونديرو شبابيك موحدة، خاصة في الفترة ديال الصيف اللي كيزورنا، اللي كييجوا فيها العمال المغاربة في الخارج، شبابيك موحدة اللي تدير تكون الإرشاد داخل الأقاليم وتدير التوجيه ديال مجموعة ديال الناس باش يربحوا الوقت، لأنو شخص تيجي في العطلة ديال 30 يوم، خاصو، أولا، يستمتع بالعطلة مع العائلة، وثانيا يقضي حوائج إدارية، هذا هو.

إلى استطعنا على أنه في هاذ الفترات نديرو شبابيك موحدة من أجل الإستماع ومن أجل التوجيه ديال العمال ديالنا في الخارج غادي نكونو كسبنا مكسب كبير، على الأقل نفسيا بالنسبة لهاذو الناس ونحسهم بالانتماء لهذا الوطن، هذا الانتماء اللي طالما هما عبروا عنو، ولكن ملي تيرجعوا لأرض الوطن تيتفاجأوا بمجموعة من المارسات كتزيد تبعدهم على الوطن.

كنتمناو على أن تتظافر الجهود باش يكون الجميع من أجل باش نحببوا هاذ المغاربة على أنهم يعتزوا بمغربيتهم، لا خارج أرض الوطن ولا داخل أرض الوطن، وراه كاين إجراءات ما كتتطلبش اعتادات، السيد الوزير، وكاين إجراءات كتتطلب غير حسن نية وكتتطلب الأجرأة وتتطلب بأنه نشتغلو جميع عليها.

شكرا.

السيد رئيس الجلسة:

شكرا السيد المستشار.

الكلمة للسيد الوزير للرد على التعقيب.

السيد الوزير المكلف بالمغاربة المقيمين بالخارج وشؤون الهجرة: شكرا السيد المستشار المحترم.

تتفقون معي بأن حسن النية كاينة عند الجميع، تتفقون معي بأن الإرادة الصادقة موجودة عند الجميع، وأكثر من هذا وذاك تتفقون معي بأن الاهتمام بالجالية هو على أعلى مستوى في البلاد، على مستوى جلالة الملك، نصره الله، وتتفقون معي كذلك بأن ما يقوم المغرب بخصوص المجيء ديالهم نموذجي، نموذجي وتتميزو على عدد من الدول.

بالنسبة للشباك، راه كاين شبابيك اللي كانت دورية ديال رئيس الحكومة باش يتفتحوا شبابيك على صعيدكل الأقاليم والمؤسسات.

الديمومة في هاذ الفترة، السيد المستشار المحترم، وزارة الجالية ما تيخرجوش عطلة، وعدد من الموظفين اللي عندهم علاقة مباشرة ماتيخرجوش، تتعلق العطل ديالهم.

بالنسبة للحالة المدنية، بعد الخطاب الملكي السامي، وشفتوا الحركية اللي

وقعت في القنصليات بخصوص الحالة المدنية، راه ثورة اللي وقعت فيما يتعلق بالحالة المدنية لتبسيط المساطر.

اللي أساسي بطبيعة الحال، أنه دامًا نكونو أقرب ما يمكن مما ينتظره المغاربة في الخارج، هناك مشاكل في العقار، عندك الحق، ولكن، هناك كذلك اجتهادات باش نعالجو هاذ المشاكل هاذي.

شكرا السيد الرئيس.

السيد رئيس الجلسة:

شكرا السيد الوزير.

وشكرا له على مساهمته معنا في هذه الجلسة.

والسؤال الموالي موجه إلى السيد الوزير المكلف بالعلاقات مع البرلمان والمجتمع المدني، وموضوعه "المعايير المعتمدة في توزيع الدعم المالي".

الكلمة لأحد السادة المستشارين من الفريق الحركي لتقديم السؤال.

المستشار السيد الطيب البقالي:

شكرا السيد الرئيس المحترم.

السيدان الوزيران المحترمان،

السيدات والسادة المستشارون المحترمون،

السيد الوزير المحترم،

تستفيد العديد من جمعيات المجتمع المدني من الدعم المخصص من طرف الدولة، سواء من الجماعات الترابية أو من مجالس العمالات والأقاليم أو من المجالس الجهوية، أو من بعض القطاعات الوزارية، إلا أن هناك بعض الجمعيات تقصى من هذا الدعم، مما يطرح العديد من التساؤلات حول إشكالية المعايير المعتمدة في التوزيع.

وعلى هذا الأساس، نود مساءلتكم، السيد الوزير المحترم عن:

ما هي التدابير المتخذة لجعل تكافؤ الفرص بين الجمعيات للاستفادة من

دعم الدولة، حتى تقوم بأدوارها والأهداف التي من أجلها أنشئت؟

وعن ما هي المعايير المعتمدة في التوزيع؟

وما هو السقف الأدني والأعلى لدعم الجمعيات؟

شكرا السيد الوزير.

السيد رئيس الجلسة:

شكرا السيد المستشار المحترم.

والكلمة للسيد الوزير للإجابة على السؤال.

السيد عبد العزيز عاري، الوزير المكلف بالعلاقات مع البرلمان والمجتمع المدني:

طيب، بسم الله الرحمن الرحيم.

أولا، أشكر السيد المستشار المحترم على طرحه هذا السؤال المهم، واللي في الحقيقة يتكرر نظرا لأهمية الموضوع.

أولا، لأؤكد لكم على أن الجمعيات من حقها باش يكون عندها التمويل، لأن الجمعيات راه هي شريك أساسي في التنمية، وراه كتقوم بأدوار اللي هي مكملة للأدوار، لا ديال الدولة، لا ديال القطاعات الحكومية، المؤسسات العمومية والجماعات الترابية. بمعنى آخر، لها دور أساسي ومحوري.

ثم أنه بعد الدستور الجديد، اضطلعت هذه الجمعيات والفاعل المدني بأدوار أساسية على المستوى الدستوري، فإذن، هذا أمر أساسي.

طيب، التركيبة ديال الجمعيات اللي عندنا تنقولو بأنه راه كتقوم بهاته الأدوار، لكن، شكون اللي كيقدم الدعم؟ يا إما القطاعات الحكومية، يا إما المؤسسات العمومية ولا الجماعات الترابية. وكاين الدعم اللي كيجي من الخارج، والقطاع الخاص، هذا من جمة.

بَالنسبة للاَشتغال ديال الحكومة، أولا، اشتغلنا على منظومة اللي هي المنظومة القانونية للحياة الجمعوية اللي منها غادي تحدد، من ضمنها الشروط والمعايير ديال الدعم.

ثم الأمر الآخر، واللي هو أساسي، هو أنه الظهير ديال 58 راه كيلزم جميع الجمعيات اللي كتلقى أكثر من 10 آلاف درهم باش تقدم الحسابات ديالها للهيئات المانحة.

اللي عملنا كذلك، وهذا أمر مهم، وبمنشور ديال السيد رئيس الحكومة، أنه لأول مرة، كتنشأ واحد البوابة، بمقتضى هاذ المنشور، باش جميع الشراكة مع الجمعيات كتمر عن طريق هاذ البوابة، بحال كما كاين في التشغيل العمومي، الصفقات العمومية كذلك، كاين بوابة خاصة بهم، فعملنا بوابة ديال شراكة (association)، الشراكة مع الجمعيات، جميع القطاعات ديال الوزارية أو المؤسسات العمومية ملزمة باش تعلن في إطار الشفافية وفي التنافس من خلال هذه البوابة، وهذا إنجاز مهم جدا، في المرحلة المقبلة، تأتى الجماعات الترابية حتى هي باش تستعمل هاته البوابة.

الأمر الآخر، باش تكون التتبع والمراقبة، غادي يولي عند السيدات والسادة البرلمانيين، كل سنة تقرير سنوي حول الشراكة والتمويل الموجه إلى هذه الجمعيات، وغادي يترفق بمشروع قانون المالية، ابتداء، بإذن الله، من مشروع قانون المالية ديال 2017، باش كيمكن المؤسسة من أدوارها الوقاعة.

كما أن المجلس الأعلى للحسابات كيدير الرقابة، وبقى عندو خلية اللي كتهتم بالتمويل ديال الجمعيات، كما أن البرلمان في مجلس النواب عمل لجنة مراقبة المالية العمومية، واشتغل على هاذ الموضوع ديال التمويل ديال الجمعيات.

كذلك، هذه الآلية غادي تكون بمناسبة اليوم الوطني للمجتمع المدني، أصدرنا وأعطينا أول المعطيات المرتبطة بالتمويل المرتبط بسنة 2014، لكن السنة المقبلة غادي نقدم لكم تقرير سنوي يكون دامًا مرفق بقانون المالية باش جميع نتعاونو باش تكون فعلا الشفافية، الدستور يتكلم على الشفافية على الحكامة، على ربط المسؤولية بالحاسبة، لكن راها مسؤولية الجميع،

مسؤولية المنتخب المحلي، ومسؤولية الحكومة والمؤسسات العمومية وكذلك الفاعل المدني اللي خاصو يبقى مستقل في عمله المدني. شكرا.

السيد رئيس الجلسة:

شكرا السيد الوزير المحترم.

والكلمة لأحد السادة المستشارين في إطار التعقيب.

المستشار السيد مبارك السباعي:

شكرا السيد الرئيس.

السادة الوزراء،

الإخوان المستشارين،

السيد الوزير،

تنشكروك على الجواب القيم في الحقيقة وتنعرفو النزاهة ديالكم والمسؤولية ديالكم وكذا العمل ديالكم.

ولعل نتائج الحوار الوطني حول المجتمع المدني الذي تهدف إليه إشراك الجمعيات في تنزيل مقتضيات الدستور والمساهمة الفعلية في اتخاذ القرار والقيام بشراكات من أجل التنمية، حتى هاذ الفعل هذا في الحقيقة كيصطدم بالواقع هو التمويل، هاذ الجمعيات إلى ماكانش التمويل راه ماكان حتى شي حاجة.

ولهذا، السيد الوزير، احنا ثاني تنطلبوا منكم، راه تنعرفو بعض الجمعيات، كيف ما تنقولوا احنا في العروبية، "المجلب ديالها نقي ومقاد المطفي دغية تتعمر"، ولكن اللي ما عندوش المجلب وداك الشي راه تتبقى المطفى ديالو خاوية.

هاذوا هما واحد العدد ديال الجمعيات وتنعرفوا احنا هاذ الجمعيات، كاين بعض الجمعيات اللي الاعتمادات ديالها تضاهي بعض المؤسسات العمومية، السيد الوزير، هذا غير باش نعرفوا احنا لأن كاين واحد العدد ديال اللي تيعرفوا، لأن هاذ الناس عندهم الوسائل ديالهم باش ياخذوا ذاك التمويل.. اللي ما عارفش كاين واحد العدد ديال الجمعيات إلى خطاوهم ذوك المنخرطين، ولا المحسنين راه ما عندهم والو، وهاذو هما اللي تيخدموا مع الناس دياولهم.

ولهذا، السيد الوزير، احنا اللّي تنطلبو منكم غير تحرصوا على، كما قلتو السيد الوزير، لا المسائل الحكومية ولا من الجماعات المحلية ومن المجالس الجهات، نعطيوهم الدعم ونحاسبهم، هذا هو اللي..

ولهذا احنا، السيد الوزير، تنطلبو منكم غير هاذ الناس تعطيوهم، بأن كاين واحد العدد ديال الجمعيات الله يعلم.. وخا دايرين المسائل ولكن.. وهما اللي تنلقاوهم تيخدمو، كيخدمو المناطق ديالهم، وبغينا استقرار حقيقة في البلاد ديالنا والتنمية ديال البلاد ديالنا، نفعلو، كيف ما قلت السيد الوزير، بشراكة مع هاذ الجمعيات باش نعطيوهم المسؤولية ونعطيوهم المحاسبة ونجيبو

هاذ القانون اللي غادي يجي في القانون ديال 2016 ونحاسبهم، ماكاين مشكل.

السيد رئيس الجلسة:

شكرا السيد المستشار المحترم.

ومادام أنه ما بقاش للسيد الوزير وقت للتعقيب مع الأسف، نشكره على مساهمته معنا في هذه الجلسة.

وننتقل إلى السؤال الموجه إلى السيد الوزير المنتدب لدى رئيس الحكومة المكلف بالوظيفة العمومية وتحديث الإدارة، وموضوعه "ضرورة اعتاد اليوم المحدد في البطاقة الوطنية في احتساب التقاعد بالنسبة للموظفين".

والكلمة لأحد السادة المستشارين من الفريق الدستوري الديمقراطي الاجتماعي لتقديم السؤال.

المستشار السيد محمد عدال:

شكرا السيد الرئيس.

السادة الوزراء،

السيدات والسادة المستشارين المحترمين،

السيد الوزير المحترم،

كما هو معلوم فإن العديد من الموظفين وخاصة مواليد الخمسينات لا يتوفر أغلبهم على تحديد لليوم في عقود ازديادهم.

لكن، بعد الحملة الإدارية المنظمة من قبل وزارة الداخلية من أجل استبدال بطاقة التعريف الوطنية بالبطاقة البيومترية، قام جل هؤلاء الموظفين بإجراء إداري يتمثل في رفع دعاوى إلى المحاكم من أجل تحديد اليوم، وصدرت في هذا الشأن أحكام استجابة لهذا المطلب تقضي بتحديد ذلك مستندة على مجموعة من المعطيات والبيانات.

لكن فوجئ الموظفون بعد كل هذه الإجراءات الإدارية بعدم اعتاد التواريخ المحددة في البطاقة الوطنية البيومترية في احتساب تقاعدهم.

لذا نسائلكم السيد الوزير المحترم، ما هي الإجراءات والتدابير المتخذة لحل هذا الإشكال، خاصة بالنسبة للموظفين المقبلين على التقاعد؟

السيد رئيس الجلسة:

شكرا السيد المستشار المحترم.

الكلمة للسيد الوزير للإجابة على السؤال.

السيد محمد مبديع الوزير المنتدب لدى رئيس الحكومة المكلف بالوظيفة العمومية وتحديث الإدارة:

السييد الرئيس،

في البداية كنشكر الفريق الدستوري الديمقراطي الاجتماعي على التفهم ديالو بالنسبة للأسبوع الفارط.

بالنسبة للسؤال، بغيت نذكر على أن تحديث سن التقاعد تيتم بناء على عقود الولادة المدلى بها يوم التوظيف، وهذا محدد في القانون ديال 30 ديسمبر 1971.

في الحقيقة هاذ القانون ما تيوضحش هاذ الإشكالية اللي طرحتو، أن كاين بعض الموظفين فهاذيك الوثائق ديال الولادة ما موضحنش فيه اليوم والنهار، وتم التعامل مع هاذ القضية هاذي بواحد الاجتهاد في عدة مناشير اللي كتعتمد التواريخ اللي أكثر فائدة للموظف، سواء في التوظيف أو في الإحالة على التقاعد.

فبالنسبة للإحالة على التقاعد تيعتمدوا آخر يوم من السنة، يعني 31 ديسمبر من السنة اللي مسجلة في بطاقة الولادة، باش كتمكن هاذ الموظف باش يستافد من الإمكانية ديال أنه فهذيك السنة كيمكن يستفد من الترقية، وثانيا كيستافد منها حتى في احتساب المعاش.

الآن كاينين بعض الناس اللي تقدموا بأحكام اللي كتحدد النهار والشهر بمناسبة يعني البطاقة البيومترية، ولكن هاذي أحكام قضائية مدنية، تدارت من أجل أغراض مدنية.

إلى بغاوا هاذ الناس يستافدوا من هاذ التواريخ خاصهم يتقدموا بأحكام قضائية، إدارية، لأنها ما يمكنش أنا نعتمد هاذ الوثائق اللي خرجت من بعد التوظيف ديالهم، لأن القانون تيربطني أنني نبقى ملتزم بالوثائق اللي تقدمت يوم التوظيف.

شكرا.

السيد رئيس الجلسة:

شكرا للسيد الوزير.

الكلمة لأحد السادة المستشارين في إطار التعقيب.

المستشار السيد محمد عدال:

شكرا السيد الوزير على التوضيحات ديالكم.

لكن، لابد باش تعرفوا على أن، السيد الوزير المحترم، على أن الإدارة آنذاك كانت إدارة تقليدية من نوع آخر، ماشي إدارة عصرية بحال اليوم كاين (logiciel) كاين واحد العدد ديال الأمور.

وكتعرفوا على أن هاذ الفئة الخمسينات، ماذا كان في الخمسينات؟ النضال ديالهم كان شيء آخر.

وبغيناكم بهاذ المناسبة، السيد الوزير، هي فئة معينة قليلة تعاني، كاين فرق ديال واحد 6 أشهر هي اللي كاين خلاف بينها وبين هاذ المؤسسة ديال التقاعد، تدخلو أنتم كوزير تحديث القطاعات العامة باش تحلو المشاكل ديالهم، لأن لابد ما نراعيو الماضي ديالهم والنضال ديالهم، واش هذا هو الجزاء ديالهم اليوم؟ هذا الجزاء ديالهم نحاسبهم على النهار والشهر؟

هما آمنوا بالبطاقة البيومترية، ويقول لك ما نديرهاش آسيدي، هما آمنوا الأحكام، هي أحكام باسم جلالة الملك، سواء كانت مدنية أو إدارية، لازم ما تستوعب باش تعطى لها واحد العناية وتتخذ بعين الاعتبار، لماذا هاذ المؤسسة وحدها انفردت من هاذ القرار هذا؟

فبغينكم السيد الوزير تحلو هاذ المشاكل.

وجزاكم الله خيرا.

شكرا السيد الوزير.

السيد رئيس الجلسة:

شكرا السيد المستشار المحترم.

الكلمة للسيد الوزير للرد على التعقيب.

السيد الوزير المنتدب لدى رئيس الحكومة المكلف بالوظيفة العمومية وتحديث الإدارة:

شكرا السيد المستشار المحترم.

أنا من المواليد ديال الناس اللي ما عندهومش النهار والشهر، كنتفهم هاذ الوضع، كاين ولكن راه ما عندناش لو الحل إلا في إطار تعديل القانون. وعندنا اليوم مشروع قانون محال على هاذ الغرفة الموقرة 72.14 اللي كيتحدد بموجبه سن الإحالة على التقاعد، واللي الآن في طور المناقشة في اللجنة ديال المالية بالمجلس الموقر، وتيمكن تعديل هاذ القانون هذا فهاذ الإطار هذا باش نحلوا هاذ الإشكالية هاذي.

وأنا كنتفهم أن عدة ناس هاذ السنة مثلا، خرجات للتقاعد 18.000 موظف، منهم 10.000 موظف عندهم هاذ الإشكالية ديال اليوم والشهر.

السيد رئيس الجلسة:

شكرا السيد الوزير.

معذرة على المقاطعة، وشكرا لكم على مساهمتكم معنا في هذه الجلسة. وشكرا للجميع، ورفعت الجلسة.